

ODOEJE NIWAKATE CORIINTIOTEDI

Paulo ijoa owidi eletidi lidietigi loiigi Goniotagodi nigeladimigipitigi Coriinto. Pida onexaa itiwataale bogoiditeloco Aneotedogoji lotaganagaxi. Nigotaḡa Coriinto onowidi nigicoa niliicaḡajetecidi, codaa manitaḡa owidi anoojetekaḡa codaa minoa oojetedi. Coriinto aniboonaḡategimadaḡa leegodi nigicoa loenataka noleegaxiidi. Manitaḡa Coriinto eliodi greegotedi anidiaa ligeladi, one anaḡaxakenaḡaḡa leegodi odiletibige daḡa onaḡaxateloco eledi noiigi minoa lixaketedi. Manitaḡa Coriinto nigica oko one abeyacaḡaḡa, codaa niwicomaḡa. (Awinteloco Atos 18,19).

Nigica loiigo Cristo manitaḡa Coriinto one dawalacetiwage, oada Paulo ja didikotibige, dipokotiogi me yatecoḡotaciwage. Paulo yalaḡata nigina lixaketedi oko me liciagi netoleḡegi lodoe Aneotedogoji. Pida nigica lixakedi Aneotedogoji baadaḡa liciagi lixakedi nigina oko. Nigica loiigi Goniotagodi onowidi nigicoa lakataḡa ane beyagi, leegodi eliodi oko anee lewiḡa agele, owo ane beyagi. Joanigidaa leegodi meliodi oko beyagi modotaḡatibige eliwaḡataneḡegi loiigi Cristo. Oada Paulo ja didikotibige me yoxoḡotece lakataḡa ane beyagi. Diḡaxinaḡatece anodaagee nadoneḡegi, codaa niḡaxitiniwace nigina anonakato Goniotagodi anodaa leeditibige modigotiogi nigina oko ane doḡonakatoteda

Goniotagodi. Codaa aagaga yalaḡata niḡica laawigo Goniotagodi, codaa yalaḡata anodaa leeditibige me ee niḡina oko moilaawi. Niḡica loiigi Cristo digoida Coriinto odidikotibige Paulo odoletibige moyowoogodi niḡicoa niḡaxinagenegeco anewi. Paulo yelooḡoditiogi anodaagee niḡicoa nixaketedi Aneotedoḡoji Liwigo ane yajigota oko. Codaa diḡaxinagatece niḡica anodaagee nige dopitedijo Goniotagodi, codaa yalaḡata niḡica ḡodolaadi gela ane jibagatege. Eledi yalaḡata niḡica anodaagee ḡodemaanaganegegi anewi. Niḡica lapo loiigi Cristo digoida Coriinto onioda dinyeelo moyaxawa madewetedi anoyiwaḡadi Goniotagodi digoida Jerusalém. Noḡowidijedi Paulo lotaga yecoeditibige eliodi oko anonakato Goniotagodi.

Paulo yecoeditibige Coriintiotedi

¹ Ee Paulo, Aneotedoḡoji eniditediwa me ee liḡexegi Jesus Cristo, leegodi jiḡidaa ane yemaa Aneotedoḡoji. Me jidi naḡadi iwakate yaxawa ḡonioxa Sóstenes.

² Jidikotibige lapo oko anida aneetege Aneotedoḡoji, ane niḡeladimigipitibige nigotaga Coriinto, niḡidi ane iolatedicoace Aneotedoḡoji mepaa nepilidi leegodi mida aneetegege Jesus Cristo. Aneotedoḡoji eniditedagawatiwaji mijokijoateda makaami nepilidi, digo anigotediogi meniditediogi ijotawece niḡijo anodoḡetetalo Goniotagodi Jesus Cristo mepoka nepiliditeda. Jesus Cristo Niotagodi, codaa aagaga Goniotagodi.

³ Jemaa Aneotedoḡoji ane Godiodi, iniaa Goniotagodi Jesus Cristo midioka limedi

meletaḡadomitiwaji, codaa mowo midioka limedi mele ḡadaaleḡenalitiwaji.

Paulo diniotagodetalo Aneotedoḡoji leeḡodi ḡela lewiḡa Coriintiotedi

⁴ Idioka limedi me iniotagodetibigalo Aneotedoḡoji leeḡodi akaamitiwaji, iniotagodetalo leeḡodi meliodi meletedaḡadomitiwaji leeḡodi mida aneniteḡe Jesus Cristo.

⁵ Yajigotedaḡawatiwaji owidi anele ane icoḡotigi miniwataga, igaataga eote ḡanimaweneḡeḡi me enitece codaa mowoḡoti, icoatawece niḡicoa ane leeditibige mowoḡoti codaa ane leeditibige me enitece.

⁶ Gobodicetedi anele aneetece Cristo ewi moiigi ḡadakataga me ḡadewiki.

⁷ Joaniḡidaa leeḡodi aḡica anania-ditaḡadomitiwaji nixakedi ane yajigotaḡawa Aneotedoḡoji Liwigo. Codaa anibeoonitibigeḡeti-waji niḡica noko nige dopitedijo Ḡoniotagodi Jesus Cristo.

⁸ Yajigotedaḡawatiwaji ḡadoniciwaga me deḡeyamaḡatice ḡatiwagatakaneeḡeḡi nigepaa niḡica owidijegi noko, codaa eote me diḡica ane yakadi makaami laaḡetedipi niḡica noko nige dopitedijo Ḡoniotagodi Jesus Cristo.

⁹ Jakataga me jinakatonaga Aneotedoḡoji mid-ioka limedi me ḡodaxawa. Jiḡijaa ane eni-ditedaḡawatiwaji mawaniteḡe Lionigi, ane Jesus Cristo, Ḡoniotagodi.

Niḡina oko dawalacetiwage, ja dinaxakawamigi

¹⁰ Inioxoadipi, ḡadibodicaxinitiwaji leeḡodi Liboonaḡadi Ḡoniotagodi Jesus Cristo

maniwotitema ane gadotaḡatiwaji, oḡaa jinaḡawalacetiwage. Opilitelocotiwaji idokida ḡadowoogo, codaa niḡica ane akatitiwaji me iḡenaga me ḡadoenatagi.

¹¹ Inioxadipi, eji niḡinoa yotaḡa leeḡodi idi loi-igiwepodi Cloe oneloḡoditiwa minoa nideleḡeco ḡadiwigotigitiwaji.

¹² Joaniḡidaa ane jemaa mejitaḡawatiwaji monidi oko anodi, “Jioteci Paulo”, icaaḡica eledi modi, “Baḡa jioteci Apolo”, idiaaḡeledi modi, “Baḡa jioteci Pedro”, pida eḡidi eledi anodi, “Boḡoko nebi Cristo”.

¹³ Oḡaa natigide ḡadigeetiwaji, Cristo domige dawalace? Oḡoa, Paulo domige oyototeloco nicenaḡanaḡate leeḡodi akaamitiwaji? Oḡoa, domige oibake libonaḡadi Paulo neḡetiḡadilegenitiwaji?

¹⁴ Iniotagodetalo Aneotedoḡoji me diḡica ilegexegi niḡida makaamitiwaji, ijokijo Crispo ijaa Gaio me jilege.

¹⁵ Oḡaa joaniḡidaa aḡica ane yakadi mee me jibake ibonaḡadi me jilegenaga.

¹⁶ Niḡina natigide nalaḡatibigiji maḡaḡa jilege Estéfanas idiaa loiigiwepodi. Analagaḡatibigiji diḡica me jilege eledi oko.

¹⁷ Pida onateciḡijo ilegexedi oko, igaataḡa Cristo aidiḡe daḡa jilege oko, pida idiḡe me jatemati nibodicetedi anele anoyalagaḡatalo. Niḡina me jelogoḡodi niḡinoa nibodicetedi, ajibake lixakedi okotigi niḡina iḡo, leeḡodi idoitaḡa inoḡa loniciwaḡa lemeḡegi Cristo me yeletedeloco nicenaḡanaḡate.

Cristo loniciwaga Aneotedoḡoji, codaa me niḡica lowoogotakanegegi

¹⁸ Niḡijo natematigo ane yalaḡata lemegegi Cristo me yeletedeloco nicenaganagete, niḡina oko anicota me naaga, ane diḡicata lewiḡa miniwataḡa Aneotedoḡoji, niḡidi oko oyakadi niḡida natematigo me netolegegi. Pida okomogoko baaniḡida ḡodewiḡa ane diḡica liniogo jakataḡa niḡida natematigo me loniciwaga Aneotedoḡoji meote ḡodewiḡa.

¹⁹ Leeḡodi lotaḡa Aneotedoḡoji modi, “Jaagadi lixaketedi ḡoneleegiwadi aninoa lixaketedi, codaa inoḡa anoyowoḡodi niḡina anowidi lowoogotakanegeco.”

²⁰ Odaa lixakedi niḡina oko aninoa lixaketedi aḡaleegica niwaló. Codaa niḡina ane diiḡaxinaḡatece lajoinaganegeco judeutedi diiḡaxinaḡatece niḡina ane daḡadiaagica niwaló. Codaa niḡina notaganegecajo ane yalaḡata niḡinoa aninoa digoina iḡo idaagee eetece niḡina ane daḡadiaagica niwaló. Igaataḡa Aneotedoḡoji ja ikee me netolegegi niḡinoa lixaketedi niḡina oko anida aneetege niḡina iḡo.

²¹ Igaataḡa Aneotedoḡoji aneliodi lixakedi, aika niḡina oko moyakadi moyowoḡodi anodaageeteda, leeḡodi oibake epaa lixaketedi okotigi niḡina iḡo. Pida Aneotedoḡoji yakadi mele meotace me newiḡa niḡina oko anoyiwaḡadi niḡida natematigo anoyakadieledi oko me netolegegi.

²² Judeutedi domoḡoyemaa Aneotedoḡoji me ikee ḡodoxiceḡetedi libinienaga, idiaa greegotedi

bağa domoğoyemaa moyowoogodi inoatawece odatikatalo lixaketedi.

²³ Pida okomogoko bağa jatematiiğa Cristo me yeleotedogodomi madataga nicenaganagate. Odaa niğida godatematigo liciagi nağana wetiğa aneo me nixipaga judeutedi, pida greegotedi bogoyakadi me netolegegi niğida godatematigo.

²⁴ Pida niğina Aneotedogoji ane eniditediogi miditağa judeutedi, codaa me miditağa greegotedi, godatematigo ikeetiogi Cristo me loniciwaga Aneotedogoji codaa me niğiniaaginiwa niğica lixakedi Aneotedogoji.

²⁵ Igaataga niğida nowoogo anodiletibige niğina oko dağa letolegegi Aneotedogoji, codaa niğida nowoogo nağaxateloco lixakedi oko. Codaa niğida anodiletibige niğina oko dağa lağamalegegi Aneotedogoji, pida jiğidapaga yoniciwadi caticedi loniciwaga oko.

²⁶ Inioxoadipi, analakitibigetiwaji anodaageni niğijo negeniditedagawa Aneotedogoji! Pida Aneotedogoji begeniditediogi onateciğidi niğina akaamitiwaji aninoa gadixaketedi, ağeliodi anida nağatetigi, codaa onateciğidi ane goniotagodepodi.

²⁷ Pida Aneotedogoji iolatedicoace niğina oko, anodita niğina okotigi niğina iigo me yetoledipi. Eotedibige me ibolikatidi niğina aninoa lixaketedi. Codaa iolatedicoace niğina oko anoyakadi niğina okotigi niğina iigo me ağamalagaga, eote me niboliğatibigiwaji niğina oko loniciwegağa.

²⁸ Aneotedogoji iolatedicoace niğina anenitiniwace me iwikodadi, codaa me niğina nalatigipi,

ane diɓica niwaló. Iolatedicoace niɓidi oko moyaaɓadi niɓina anoyakadi niɓina okotigi niɓina iiɓo mida niwaló.

²⁹ Eote niɓida eotedibige me diɓica ane yakadi me dinabaketibece lodoe Aneotedoɓoji.

³⁰ Pida Aneotedoɓoji eote me ɓadexocitege Jesus Cristo. Niɓijo Jesus loenatagi ikee Aneotedoɓoji mida lixakedi, odaa Aneotedoɓoji jegeote moko oko ane iɓenaɓa leegodi Jesus me iɓenaɓa. Coda Aneotedoɓoji ɓodiolatedice moko loiigi, codaa eote me ɓodewiɓatace leegodi niɓijo me yeleotedoɓodomi Jesus.

³¹ Odaa jiɓidaa Aneotedoɓoji lotaɓa modi, “Niɓica ane yemaa me dinabaketibece, ele me dinabaketibece leegodi Goniotaɓodi!”

2

Natematigo ane yalaɓatalo Cristo noɓoyototedi madataɓa nicaɓanaɓate

¹ Inioxoadipi, niɓijo mejigo makaamitaɓatiwaji me jatemati Aneotedoɓoji aneote niɓijo naga niwakatee Jesus digoina iiɓo, ajatematika daga jibake notaga libinienaga micataga notaganegecajo, oteɓexaagaga jibake emaga ixakedi.

² Igaataɓa niɓijo me idejo makaamitaɓatiwaji, jakadi mele mijoka jatematiteda Jesus Cristo codaa anodaagee me yeleotedoɓodomi madataɓa nicaɓanaɓate.

³ Niɓijo me idejo makaamitaɓatiwaji elioditibece me domaga jinoke, domaga idoi, codaa ja jawigice.

4 Nigijo me şadişaxiniti waji codaa me jatematika tagadomi, ajotaga anodaagee nigino notaganegecajoli anoibake lixaketedi nigina oko. Pida naga jotaga, Aneotedoşoji Liwigo ikee loniciwaga nigijo meote şodoxiceşetedi libinienaga.

5 Odaa joanigidaagee, jaganakatoniteti waji Cristo, aleşodi notaga lowoşotakanegegi oko, pida leşodi loniciwaga Aneotedoşoji.

Lixakedi Aneotedoşoji

6 Pida ejinagatece nixaketedi nigina me jotaganegenaga nigina oko baanegeli di moilitema eliwaşatakanegegi. Pida nigida nixakedi aicoşotigi minataga nigina okotigi nigina işo, oteşexaşaga icotigi minoataga nigino şodacilodi digoina işo, anicota me naaga.

7 Pida nixaketedi ane şodalagatalo Aneotedoşoji nepilidi, odaa oyaşaditema şoneleegi wadi. Aneotedoşoji akaşida nigida lixakedi nigijo maleedişicatibige daşa yoe nigina işo. Codaa lowoşo me şodinelecaşatidieledi dinaşaditi.

8 Aşica nigino şodacilodi ane nişenatakanaga digoina işo doşoyowoşodi nigida nixakedi. Doşoyowoşodi nigida nixakedi, daşanagawini agotaşa oyelo aditedeloco nicenaganagate Gonio tagodi ane nelegi Liboonaşadi digoida ditibişimedi.

9 Pida digo aneeta lotaga Aneotedoşoji mee, “Aşica ini ane nadi, oteşexaşaga wajipata, oteşexaşaga dakatiwece lacilo nigicoa anele Aneotedoşoji

ane lagajegitetege nigina oko anoyemaa Aneotedoꝑoji.”

¹⁰ Pida Aneotedoꝑoji ja nikeetedoꝑowa niginoa ane libinienaga, Liwigo jiginiaa nikeetedoꝑowa. Igaataga Liwigo iwitece inoatawece, codaa yowoꝑodi icoatawece lowooko Aneotedoꝑoji.

¹¹ Agica ini ane yowoꝑodi lowookoeledi oko, oniniteci oko epoka yowoꝑoditeda lowooko. Odaa idaagee agica ane yowoꝑodi lowooko Aneotedoꝑoji, iniokini Liwigo Aneotedoꝑoji бага yowoꝑodi nigicoa lowooko.

¹² Jibagatege Niwigo ane icoꝑoticogi miniwataga Aneotedoꝑoji, aicoꝑoticogi minataga oko digoina iigo. Aneotedoꝑoji najigotedoꝑowa Liwigo eotedibige me jakataga me jowoꝑotaga niginoa ane najigotedoꝑowa codaa aneotedoꝑodomi.

¹³ Nigina mejinagatece ane najigotedoꝑowa Aneotedoꝑoji, agejinagatece daga jibakenaga nixakedi ane icoꝑotigi minataga oko, pida ejinagatece notaga ane ꝑodiigaxitece Aneotedoꝑoji Liwigo. Odaa jigidaagee nigina me jeloꝑotaga ane najigotoꝑowa Aneotedoꝑoji Liwigo, jibakenaga notaga ane ꝑodiigaxitece Aneotedoꝑoji Liwigo.

¹⁴ Nigina oko ane digica Aneotedoꝑoji Liwigo minitaga ayakadi daga dibatege ꝑodixakedi aniniokini Aneotedoꝑoji Liwigo najigotoꝑowa. Pida diletibige daga netolegegi. Codaa ayakadi daga yowoꝑodi ꝑodixakedi ane najigotoꝑowa Aneotedoꝑoji Liwigo, igaataga iniokini Aneotedoꝑoji Liwigo meo oko me yowoꝑodi.

15 Pida oko anini Aneotedoḡoji Liwigo minitaḡa baḡa yakadi me iwi inoatawece, odaa oko ane diḡica Aneotedoḡoji Liwigo minitaḡa aḡica ni-maweneḡegi daḡa iwi oteḡexaaḡaḡa yowoḡodi ane najigotedoḡowa Aneotedoḡoji.

16 Joanigidaa diniditeloco Aneotedoḡoji lotaḡa, “Aḡica ini oko ane yakadi me yowoḡodi lowooko Goniotaḡodi, codaa aḡica ane yakadi daḡa iladee Goniotaḡodi.” Pida niḡida moko biḡinoa lowooko Cristo mokotaḡa, leeḡodi Liwigo anini mokotaḡa.

3

Liotaka Aneotedoḡoji

1 Inioxoadipi, ajakadi daḡa jatem-atikataḡadomitiwaji anejigotiogi oko baanaḡa ilitema eliwaḡatakaneeḡegi, pida leeditibige me jatematikataḡadomitiwaji micataḡa niḡina oko anida aneeteḡe niḡina iḡo, codaa ḡadiciagitiwaji nigaanigawaanigi, analedaḡa ilitema eliwaḡatakaneeḡegitema Cristo.

2 Niḡina me ḡadiiḡaxinitiawaji, iḡaxinaganeeḡegi liciagi waca-lotiidi ane ilawi nigaanigawaanigi, idiḡida aliciagi liweenigi oko baanaḡa ili, iḡaataḡa anaḡa yakadi mabaateḡetiawaji niḡaxinaganeeḡegi ane dakake, codaa natigide anaḡakati mabaateḡetiawaji.

3 Iḡaataḡa ḡadakataḡatiawaji eliciaco lakataḡa oko anida aneeteḡe niḡina iḡo. Niḡina maleeḡina nelokojoḡoneḡegi makaamitaḡatiawaji, nideleḡeco codaa mawalacetiwage, niḡida makaami ḡadiciagitiwaji okotigi niḡina iḡo.

⁴ Niğina midi oko ɣadiwigotigitiwaji anodi, “Oko bağa jiwagatece Paulo”, idiaaɣeledi modi, “Bağa jiwagatece Apolo”, odaa niğida anenitiwaji liciagi anee niğina oko anida aneetege niğina iigo.

⁵ Enice amiijo ica Apolo? Codaamiijo ica Paulo? Niğida moko okomodi liotagipi Aneotedoɣoji, odaa leegodi ɣobakedi jiğiwagatitetiwaji Goniotaɣodi. Niğida moko oninotecibeci eo libakedi ane najigote Goniotaɣodi.

⁶ Godiciagi niğinoa nawodaɣanadi. Ee beɣejanaga, Apolo bağa ilege, pida Aneotedoɣoji bağa niğiniaa eote me ili ɣotanigijedi.

⁷ Niğina anetanaga inaɣina ane ilege nawodigijedi aɣica ane jaoga, pida Aneotedoɣoji biğida ane jaogate, igaataga jiğiniaa eote ɣotanigijedi me ili.

⁸ Niğina anetanaga inaɣina ane ilege nawodigijedi diniciamico, leegodi idokida libakedi anowo. Odaa Aneotedoɣoji yajigotediogi nigaanye ane iɣenaga leegodi ane libakedi oninotecibeci.

⁹ Leegodi me jibaaga ɣodaxawa Aneotedoɣoji, odaa niğida makaamitiwaji ɣadiciagi nixoɣotagi aneite Aneotedoɣoji me diba.

Niğida makaamitiwaji aagaɣa ɣadiciagi niğina diimigi nelegi ane dabitegetedini Aneotedoɣoji niğinoa nokododi.

¹⁰ Jibake ixakedi ane najigotediwa Aneotedoɣoji, odaa jao ibakedi micataga niğina noenataɣodi diimigi ane lixakedi. Odaa jao lipodaɣaladi idejate anepaa limedi, odaaeledi oko ja dabitegetini diimigi ditibigimedi niğidi lipodaɣaladi. Pida oninotecibeci leeditibige me dowediteloco anodaagee me dabitegetini.

11 Odaa aḡica ini eledi ane yakadi me yojogotini eledi lipodaḡaladi, pida ijokijo niḡijo lipodaḡaladi aneote Aneotedoḡoji, ane Jesus Cristo.

12 Niḡina oko moyoe diimigi, initecibece ibake oolo, beexo, codaa me wetiadi ane diniwaloe, pida inatecibece eledi boḡoibake iwoḡo, nadegogo, codaa me exate-lamodi, niḡinoa anepiḡicota me daa.

13 Pida niḡicoa latopaco nibaketedi yeloḡo niḡica noko Cristo nige dopitedijo. Leeḡodi niḡica noko noledi ane iwi, odaa ja ikee ane latopagi libakedi oninitecibeci oko.

14 Odaa niḡina oko ane dabiteḡeteloco libakedi niḡidi lipodaḡaladi ane Jesus Cristo, niḡida nibakedi nige daḡa deemitecece noledi, odaa Aneotedoḡoji ja yajigote oko noḡeedi ane loojedi libakedi.

15 Pida niḡijo libakedi aneo nige yabidi, niḡini oko aniaditema inoatawece ane domaḡa naḡajegi. Pida idokee mida lewiḡa ane diḡica liniogo, pida dawikodawaanigi micataḡa daḡa iwoko noledi.

16 Aḡowoḡotitiwaji makaami liḡeladi Aneotedoḡoji? Jowoḡodi mowoḡotitiwaji! Codaa aḡowoḡoti Aneotedoḡoji Liwigo me diḡeladetiwaḡaji? Jowoḡodi mowoḡotitiwaji!

17 Niḡica ane yaḡadi Aneotedoḡoji liḡeladi, Aneotedoḡoji aḡaḡa yaḡadi niḡini oko. Iḡaataga Aneotedoḡoji iomaḡaditedice liḡeladi mepoka nebiteda, odaa niḡida makaamitiwaji akaami liḡeladi Aneotedoḡoji.

18 Jiniḡica ane dininaale! Niḡica oko ḡadiwigotigitiwaji ane diletibige daḡa daḡaxa minoa lixaketedi ane lakatigi niḡina oko anida aneetege niḡina iḡo, odaa niḡini oko ele me dinadi

me micataḡa daḡa yetole, oḡa ja yakadi beḡewi me lixakedi.

¹⁹ Iḡaataḡa lixakedi oko anida aneeteḡe niḡina iiḡo liciagi ḡodetoleḡegi lodoe Aneotedoḡoji. Niḡida diniditeloco Aneotedoḡoji lotaḡa, “Aneotedoḡoji iḡeke niḡina aninoa lixaketedi anoninaaletiniwace oko.”

²⁰ Eledi diniditeloco lotaḡa, “Goniotagodi me yowoḡodi niḡinoa lowooko niḡina aninoa lixaketedi anida aneeteḡe niḡina iiḡo me diḡica niwaló.”

²¹ Enice aḡica ane yakadi me dinabaketibece leeḡodi niḡina oko ane iwitecetiwaji! Leeḡodi inoatawece ḡanepiliditiwaji.

²² Paulo, Apolo, codaa me Pedro iditawece ida aneniteḡetiwaji. Codaa niḡina iiḡo ḡanebitiwaji, ḡodewiḡa eledi ḡanebi, codaa me ḡodemeḡegi. Niḡinoa aninoa natigide, codaa niḡicoa anicota manati, eletidi ḡanepiliditiwaji.

²³ Niḡida makaamitiwaji ida aneniteḡe Cristo, iḡaa Cristo ida aneeteḡe Aneotedoḡoji.

4

Liḡexedi Cristo

¹ Leeditibige me ḡodowoḡegi moko liotagipi Cristo, ane najigotedoḡowa Aneotedoḡoji liḡaxinaḡaneḡeco analee diḡicoa moyowoḡodi.

² Leeditibige niḡina niotagi anida naḡatetigi meo inokina ane yemaa niotagodi.

³ Aidigeḡaḡeḡe niḡemaani me ee ḡalaḡeditiwaji, icaaḡica eledi oko nigoyemaa me ee nilaḡedi ane lakatigi oko anida aneeteḡe niḡina iiḡo. Emeḡee aidiniwi.

⁴ Ee eji me digica ibatiigi. Pida yakadi mica ibatiigi, Goniotagodi baaniginiaa idiwi.

⁵ Enice jinagawini oko maleedigicota nigica noko ane nibikota Aneotedoɔoji! Ikani nigepaaɔicota nigica noko nigenagi Goniotagodi! Nadeegite manitaɔa lokokena ane dinaɔaditi midi nexocaɔa, odaa ikee lowooko oko ane yaɔaditedini. Codaa nigica noko Aneotedoɔoji iwenigide oko leegodi loenataka anele.

⁶ Inioxoadipi, niginoa yotaɔa oyalagatoɔowa ee iniaa Apolo jaotibige me jikeenagataɔawatiwaji me ɔadaxawaneɔegi mowoɔɔoti nigida nigegi anodita, “Jinaɔa anaɔaxaateloco ane diniditini!” Nigida nigegi diitigi, codaa ewi me digica ane yakadi me dinabaketibece leegodi oniniteci oko, pida iniaa eledi baɔa ɔadoɔolokedi.

⁷ Aɔica aneo mida ane jaɔatibigaɔajitiwaji caticedi eledi oko. Leegodi, amiidi ica anakati ane daɔa Aneotedoɔoji yajigotedaɔawa? Inoatawece ela Aneotedoɔoji. Odaa natigide niginoatawece ɔanogeteditiwaji, igame leegodi madinaɔaxakenitibece micataɔa daataɔa ɔanogetedi?

⁸ Akati makaami eletetiwaji, me daɔadiaaɔica anopootibige, micataɔa daɔakaami liicotedi, odaa micataɔa daɔakaamitiwaji ɔodacilodi nelecoli ane iige inoatawece, pida oko baadoɔokomodi ɔadiciagi. Domaɔa jemaɔa deɔewi makaamitiwaji ɔodacilodi nelecoli domaɔa jaɔatibige daɔakaami ɔodiigenatakanagawepodi.

⁹ Pida jowoɔɔodi me Aneotedoɔoji epaa ɔodadate owidijegi nimesi, anoko liiɔexedi.

Idigotedogowa micataga niġinoa niwilogjedi anonigodi lodoe inatawece ane newiġa, oġaa inoatawece aanjotedi codaa me ġoneleegiwadi etiġodadi.

¹⁰ Iġaataġa niġida moko anoko liotagipi Cristo ġodiciagi yetoledipi, pida akaamitiwaji baġaleetibige daġakaami niġina aninoa lixaketedi leeġodi mida anenitege Cristo. Okomodi aġamaleġegipi, pida akamaġakaami baġaleetibige daġa ġadoniciwatitiwaji. Niġina oko anida aneetege niġina iġo odeemitetibigaġajitiwaji, pida okomogoko baadogowo ġoniwaló.

¹¹ Codaa niġina noko me ġodigicile codaa me ġodigodi ecibi, codaa idinixomaġatinigilo waxelogoli. Codaa niġina oko etiġodaxacoġotibige, codaa aġica ġodigeladi, idioka limedi me jilatiġatibece.

¹² Ja jinigaaxaġa me jibaaġa leeġodi jibakenaġa okomaġa ġadoniciwaga me jakataġa ane jopooġatibige. Oġaa niġina oko metiġodixoo, okomogoko baġa jibinienaġatiogi. Codaa niġina oko metiġodiatetibeci, jixomaġateenaġatedice ġodawikodico.

¹³ Niġina oko modotaġatibigoġoji, nige ininiġotaġa baġa jatiġatiogi notaġa anele. Codaa niġina natigide ododigotoġowa micataġa doġoko naagogo, codaa oibogoditoġogi niġina ane napioi.

¹⁴ Ajidi niġinoa notaġa daġa ġadibolikatatitiwaji, pida jidi me ġadajacaġati, micataġa niġina daġakaami ionigipi yemaanigipi.

¹⁵ Idaaġida mowidi ġaniġaxinogododipi anetiġadaxawani me iwitece Cristo, pida aġeliodi ġadiododipi. Leeġodi me ġadexocitege Jesus

Cristo, o daa ee ɣadioditiwaji, igaataɣa jeɣemaɣa jao me ee ɣadiodi niɣijo naɣa jadeegitaɣawatiwaji nibodicetedi anele anoditece Jesus.

16 Enice jipokotaɣawatiwaji me anowiikita anodaageji me idewiɣa, codaa oenitiwaji ane jao.

17 Joaniɣidaa leegodi me jimonyataɣawatiwaji Timóteo ane micataɣa ionigi yemaanigi leegodi me jaxawa me nakato Goniotaɣodi. Idioka limedi me diotece Goniotaɣodi. Jimonyataɣawatiwaji eotibige manalakitibigeti waji anodaageji me idewiɣa leegodi mida anejitege Cristo. Idioka limedi me jao niɣina ane jiiɣaxinaɣatece minataɣa inatawece lapo loiigi Cristo okanicodaageica ane diɣetigi.

18 Initecibece niɣina akaamitiwaji jaganaxakenegegi, leegodi diletibige daaditaɣadiaagejigo makaamitaɣatiwaji.

19 Pida, nige yemaa Goniotaɣodi, aɣica daga leegi o daa jeɣejigo idalitaɣawatiwaji, o daa ja jowoogoditiogi niɣidi oko anaɣaxakenegegipi, domige idokida mele me notaɣanaɣa, ogoa domigewi mini Aneotedoɣoji loniciwaga miditaɣa.

20 Igaataɣa Aneotedoɣoji iige laalegenali oko leegodi loniciwaga Liwigo Aneotedoɣoji, idiɣida aleegodi lotaga oko.

21 Amiida anenegegi emaanitiwaji? Emaani-tiwaji mejigo micataɣa diɣida yalakenaɣanaɣadi me ɣadiloikatititiwaji, ogoa emaani mejigo me jadeegi yemaanaɣanegegi codaa mejigo me ee okaagegi.

5

Ica oko anowo ane beyagi liwigotigi Aneotedoꝑoji loigi

¹ Digawinitiwaji! Inatecibece oko modi mini oko ɣadiwigotigitiwaji ane dogolaɣataka ane daɣaxa me beyagi caticedi anowo niɣina ane diɣica aneetege Aneotedoꝑoji. Nigopeloɣotege laninoɣodo.

² Ica makati madinaɣaxakenitibecetiwaji, jinigidokeni! Pida biɣida adinigeɣaɣalogotititiwaji, codaa domaɣa leeditibige miticoitice ɣadiwigotigi niɣini ɣoneleegiwa ane dogolaɣataka.

³ Idaaɣida me deɣee ɣadiwigotigitiwaji, pida ini iwigo makaamitaɣatiwaji, oɗaa micataɣa daɣa ee ɣadiwigotigi, oɗaa ee ja jiwi codaa ja jowoogodi ane leeditibige memiita niɣini ɣoneleegiwa aɣolaɣatakaneegegi.

⁴ Niɣina mateciɣiteloco Liboonagadi Goniotagodi Jesus Cristo, jeemitetece iwigo me micataɣa daɣa ideɣi makaamitaɣatiwaji, codaa loniciwaga Goniotagodi Jesus Cristo ini makaamitaɣatiwaji.

⁵ Natigide ajicita Satanás niɣini ɣoneleegiwa, amaleeɣaga yeleo, pida liwigo biɣidioka limedi me ideɣi miniwataga Aneotedoꝑoji niɣica noko Goniotagodi Jesus, nige iwi anigote codaa me diiɣenatakate moiloikatidi oko leegodi libeyacegeco.

⁶ Agele madinaɣaxakenitibecetiwaji, igaataɣa ida nibeyacegegi ɣadiwigotigitiwaji. Ejimowooɣotitiwaji niɣijo nigege anee, “Onateciɣini labookojegi paon ilaagiteloco iditawece paon, oɗaa eo me dabo.” Oɗaa idaaɣee

onateciḡini nibeyaceḡegi ilaagitaghaloco, odaa ḡadapioyagati akaamitawece.

7-8 Leeditibige manogaaaticetiawaji niḡica nibeyaceḡegi, bidige aḡilaagitice anee leyeema labookojegi. Odaa nigidaaḡenitiawaji, jaḡakaami ane yapiditibigiawaji. Niḡijo lalokegi judeutedi anodita “Páscoa”, judeutedi oyeloadi waxacocoli, codaa oyoe paon aḡoibake labookojegi. Niḡina moyeligo liweenigi lalokegi Páscoa, ninitibigiawaji. Pida Cristo ja yeletedeloco ḡobeyaceḡeco, micataḡa waxacoco, anoyeloadi judeutedi me lalokegi Páscoa. Joaniḡidaa leeḡodi ayakadi diḡida nélaḡa, codaa anigetigida eledi ḡobeyaceḡegi catiwedi ḡodewiḡa, ele me jaḡa liciagi anee judeutedi me daḡa oibake paon labookojegi. Odaa jaḡakaamitiawaji ane yapiditibigiawaji, codaa iwaḡati anewi. Odaa ida ḡadinikegitiawaji me iwitece Aneotedoḡoji.

9 Jaḡajo jiditibigaḡajitiawaji eledi iwakate me ḡadiiḡeni me daḡa awanitege eledi oko ane loomatewa ane daḡa lodawa.

10 Pida aḡejitaḡawatiawaji mawalacetege oko anida aneetege niḡina iḡo, ane loomatewa ane daḡa lodawa, adodigomadaḡa, olicagaḡa, inaḡinoa niwicomaḡa. Joaniḡidaa mejitaḡawatiawaji me daḡa awalacetege oko anida aneetege niḡina iḡo, leeḡodi mawalacetege domaḡa leeditibige manotiticogi niḡina iḡo.

11 Pida ja jidikotibigaḡajitiawaji mejitaḡawa me daḡa adinadeegitege niḡijo anee me ḡanioxoa, pida loomatewa ane daḡa lodawa, oḡoa domige adodigomadaḡa, oḡoa domige niwicomigi, oḡoa

domige ilikonegegi, ogoa domige acipegegi, domige olicegegi. Otegeexaagaga gagiwepodi oko anidaagee.

¹²⁻¹³ Agica inagatetigi daga jiwi oko ane digica aneetege Cristo. Aneotedofoji baaniginiaa ane iwi. Pida nigina oko anida aneetege Cristo anini gadiwigotigitiwaji бага leeditibige mawinitiwaji. Enice awii ane diniditelocono lotaga Aneotedofoji, nigijo anee, "Iticoitice oko ane beyagi gadiwigotigitiwaji!"

6

Nigica lakatigi loigi Goniotagodi moiwi anigida lileenigitemaeledi nioxa

¹ Ina mida gadileenigitematiwajieledi ganioxa, igaamee ina madeegita ganioxa goniwinofoji ane daga yowofojoditeda Goniotagodi? Dagaleegaga adeegita lodoe loigi Cristo midiaafoji anodigota.

² Agowofojotitiwaji loigi Cristo micota moiwi nigina oko anida aneetege nigina iifo? Odaa nige nagakamaga awini oko anida aneetege nigina iifo, igame leefo ina me dagakatitiwaji mawini inoa nigecagalegetedawaanaga aninoa gadiwigotigitiwaji?

³ Agowofojotitiwaji me nofokomaga jiwinaaga aanjotedi? Odaa ida gonimawenegegi me jiwinaaga nigina ane godileenaga.

⁴ Odaa nigina gadileenagatiwaji, adeegitiogi nigidi iwikodadipi gadiwigotigi anakaami lapo loigi Cristo moiwi anodigota.

⁵ Eji niḡinoa yotaḡa jaotibige manibolikitiwaji. Ejimini oko ḡadiwigotigitiwaji ane yowoḡodi me iwi niḡina mididi iniwataale ḡanioxoadipi ane beyagitiwage.

⁶ Pida niḡina mida lileenigitiwage, oḡa jḡini ḡanioxa anigo igetio eledi nioxa minitaḡa ḡoniwinogodi, codaa me miditaḡa eledi oko ane ḡaḡa onakatoteda Aneotedogoji. Pida aḡele niḡida anenitiwaji.

⁷ Niḡina mida ḡadileenigitiwagetiwaji, jḡikeenitiwaji mida ḡabatiigi. Pida ḡomaḡa ḡaḡaxa mele madinatiita ane beyagi anowotaḡadomi eledi oko, codaa jiniḡica mawii nigodolice anigidi ḡanebi.

⁸ Pida niḡida makaami akamaḡakaamitiwaji awii ane beyagitema ḡanioxa, codaa oliceta ane nebi ḡanioxa.

⁹⁻¹⁰ Aḡowoḡotitiwaji niḡina ane ḡaḡa iḡenaḡatiwaji aḡodakatiwece niḡica Aneotedogoji ninioxadi? Oḡa jinaḡa adininaalenitiwaji! Niḡijo ane loomatewa ane ḡaḡa lodawa, niwicomaḡa, aḡolaḡatakanagaḡa, ḡoneleegiwa ane loomatewa eledi ḡoneleegiwa, iwaalo opitege eledi iwaalo, olicagaḡa, adodigomadadi, acipagaḡa, ina ane ḡotaḡatibige eledi, codaa me aiḡekaḡa, iditawece niḡidi aḡoyakadi modakatiwece liḡeladi ninioxadi Aneotedogoji.

¹¹ Niḡijo jotigide onateciḡidi niḡina akaami jḡijo me ḡadakaḡa niḡinoa ane beyagi anoditece. Pida Aneotedogoji ja ḡadapitaḡatitewaji, codaa ḡadiolaatedice makaami nepilidi, codaa eote me ḡadeḡenakitiwaji. Liwigo Aneotedogoji jḡijaḡeo

nigida libakeditagadomi, leegodi managi miniwataga Aneotedoꝑoji nigijo nagabakeni Liboonaꝑadi Goniotagodi Jesus Cristo.

Jibakenaꝑa ꝑodolaadi me joꝑeeꝑatalo Aneotedoꝑoji

¹² Inatecibece oko anodi, “Jakadi me jao okanicodaagica, igaataꝑa inoatawece ele.” Ewi nigidaagee, pida aꝑinoatawece anawiite etiꝑadaxawani. Odaa nigina modi, “Jakadi me jao okanicodaagica, igaataꝑa inoatawece ele.” Pida emeꝑeeta ajika diꝑida yakatigi anida loniciwaꝑatiloꝑo.

¹³ Inatecibece eledi oko modi, “Niꝑina ꝑoweenigi mina leegodi ꝑowokomaꝑa, codaa ꝑowokomaꝑa mini lajo ꝑoweenigi.” Ewi nigidaagee, pida Aneotedoꝑoji icota me yaꝑadi idoatawece itoa. Aneotedoꝑoji ayoe ꝑodolaadi daꝑa lajo me ꝑodoomatewa okanicodaagica oko, pida yoe eotedibige me jakataꝑa me jibaꝑꝑatema Goniotagodi. Odaa Goniotagodi najigotedoꝑowa inoatawece ane yopotibige ꝑodolaadi.

¹⁴ Aneotedoꝑoji eote Goniotagodi me yewiꝑatace, odaa jeꝑeote me ꝑodewiꝑatace leegodi loniciwaꝑa Goniotagodi.

¹⁵ Owoꝑotitiwaji ꝑadoolatedi mida aneetege lolaadi Cristo? Ameelinedi daaditaꝑa owoꝑotitawaji! Odaa domige jibake yolaadi ane nebi Cristo me yoomatewa iwaalo aꝑoꝑeola? Oteꝑexaaꝑaꝑa yakadi!

¹⁶ Owoꝑotitiwaji nigina oko ane loomatewa ewocoma, odaa lolaadi micataꝑa diꝑidiokidi? Igaataꝑa Aneotedoꝑoji lotaꝑa mee, “Goneleegiwa

aniaa iwaalo niḡina me dinoomatewamigi idiokiditiwage lolaadi.”

17 Odaa idaagee niḡina oko ane yexogotege Goniotaḡodi iniokinitiwaḡe liwigo.

18 Enice oxaxini, jinaga ḡadoomatewa oko ane daḡa ḡadodawa. Iḡaataḡa okanicodaagee eledi libatiigi oko adakapetege lolaadi. Pida niḡina ane loomatewa ane daḡa lodawa eo ane beyagitema epaa lolaadi.

19 Analakitibigetiwaḡi ḡadoolatedi me micataḡa diimigi ane diḡeladetigi Aneotedoḡoji Liwigo? Aneotedoḡoji niwakatee Liwigo me diḡeladetiwaḡajitiwaḡi. Odaa aḡakamaḡa adiniḡenitiwaḡi.

20 Iḡaataḡa Aneotedoḡoji ja dinoojetetedaḡawatiwaḡi, codaa dakake ḡadoojedi me dinoojetetedaḡawa. Enice oḡeetetalo Aneotedoḡoji abakeni ḡadolaadi iniaa ḡadiwigo, ane nepilidi.

7

Najoinaḡaneḡeco anoyalagaḡa nadoneḡegi

1 Niḡina natigide jema me jigidi ḡaḡikanegecotiwaji anidiiteloco ḡadiwakatetibigiji. Ele ḡoneleegiwa me daḡa itineḡe iwaalo.

2 Pida ḡadiwigotigitiwaḡi eliodi oko ane noomatewa ane daḡa lodawa. Joanigidaa leegodi moninitecibeci ḡoneleegiwa leeditibige mani epaa lodawa, onanitecibeci iwaalo ini epaa lodawa.

³ Nigina goneleegiwa leeditibige meotema lodawa ane yemaa, codaa me iwaalo leeditibige meo ane yemaa lodawa.

⁴ Igaataga lolaadi iwaalo wadonaga asepoka nebi, pida aagaga nebi nigini lodawa. Codaa lolaadi goneleegiwa wadonaga asepoka nebi, pida aagaga nebi nagani lodawa.

⁵ Jinaga adinolii nigina makaami dinoomatewamigi anakaami wadonadipi. Pida yakadi mikanawaanigi makaami dinoomatewamigi nigina nige adinlakidenitiwage, mawiitibige makati menegegi otaganegeni Aneotedogoji leegodi anigida anemaani motaganegenitece anige liwokodi nokododi. Pida nigina nige adinlakidenitaciwage leeditibige mawii ane yemaa gadodawa, bidige Satanás ayakadi me dineetagawa mawii ane beyagi daga leegodi me dagakati madinatiita anemaani gadolaadi.

⁶ Ajadiigenitiwaji, pida onexaa gadajacagatitiwaji, mejitedagawa niginoa yotaga me idalagata nadonegegi.

⁷ Domaga jemaa diginatawece oko iciagepodi. Pida oninitecibeci oko ida anepaaigote Aneotedogoji, anigotedogowa Aneotedogoji adiniciamico.

⁸ Natigide jemaa mejitiogi ixomagaga inaa wajakalodipi me domaga dagaxa mele daaditaga nadonaga, digo meetaga, aneji.

⁹ Pida nige dogoyakadi me dinajacagaditibigiwaji, oada leeditibige me nadonaga. Igaataga dagaxa mele me jadonaga, agele me jawikodeega leegodi ane yemaa godolaadi.

10 Ejitiogi niḡina ane wadonadipi. Mida niigenatakanegēgi ane daḡa inebi, pida icoḡotigi miniwataḡa Goniotagodi. Iwaalo ayakadi me yaladi lodawa.

11 Pida nige yaladi lodawa, odaa ja leeditibige me daḡadiaa wado, pida baḡa yakadi mopita lodawa. Odaa ḡoneleegiwa idaaḡee, ayakadi me yaladi lodawa.

12 Natigide jiladee eletidi wadonadi. Niḡijoa yotaḡa aicoḡotigi miniwataḡa Goniotagodi. Nigini ḡonioxa anani lodawa analeedaḡa nakatoteda Goniotagodi, pida nigidokee me yemaa, odaa aḡele me yaladi.

13 Codaa nigani iwaalo ane nakato Goniotagodi anani lodawa ane daḡa nakatoteda Goniotagodi, nigidokee me yemaa, odaa aḡele me yaladi.

14 Igaataḡa Aneotedoḡoji ja iolatedice micataḡa daḡa nebi niḡijo ḡoneleegiwa analeedaḡa nakatoteda Goniotagodi leegodi me yexogotege lodawa anepaḡa nakato Goniotagodi. Codaa Aneotedoḡoji ja iolatedice micataḡa deḡepaa nebi naḡajo iwaalo ane daḡa nakatoteda Goniotagodi leegodi lodawa mepaḡa nakato Goniotagodi. Daaditaḡalee diḡidaaḡee, odaa niḡina lionigipi taḡa napioi laalegenali. Pida Aneotedoḡoji ja iomaḡaditedicoace me nepilidi.

15 Pida wadonaḡa ane deḡeyiwaḡaditeda Goniotagodi, nige yemaa mopi, enice ele moikatice mopi. Odaa niḡida niciagi niḡini ḡonioxa oḡoa domige ḡoniwaalo anoyaladi ja yakadi meo ane yemaa, igaataḡa Aneotedoḡoji eniditedoḡowa mele ḡodaalegenali.

16 Igaataga akaami, anakaami wadonaga anepaga anakatoni Goniotagodi, agowoogoti Aneotedoɔoji domigeote lewiɔa ɔadodawa leegodi me iwi aneni me ɔadewiki.

Idioka limedi me iwaɔati Aneotedoɔoji

17 Leeditibige midioka limedi moninitecibeci ɔonioxoa yewiɔatema niɔica anigote Aneotedoɔoji, codaa anodaagee Goniotagodi menidite me yewiɔatema. Joaniɔidaa yajoinaɔanegegi ane jiwakateetigi inoatawece lapoli anoyiwaɔadi Goniotagodi.

18 Nigini ɔoneleegiwa anenidite Aneotedoɔoji baanaga yakagidi lolaadi, ane lakatigi judeutedi, maleedaga nakatoteda Goniotagodi, niɔini ɔoneleegiwa aleeditibige daɔa doletibige me noɔa libikotaxedi lolaadi. Codaa nigenidite Aneotedoɔoji ɔoneleegiwa ane daɔa yakagidi lolaadi, niɔini ɔoneleegiwa aleeditibige daɔalee doletibige me yakagidi lolaadi.

19 Igaataga aibeyacaɔadi ɔoneleegiwa nige yakagidi lolaadi, oteɔexaaɔaga niɔina me daɔa yakagidi lolaadi. Pida ane daɔaxa mele meyiwaɔadi liiɔenatakanegeco Aneotedoɔoji.

20 Oninitecibeci leeditibige midokee niɔijo anee neɔenidite Aneotedoɔoji.

21 Nigakaami niotagi neɔeniditedaɔawa Aneotedoɔoji? Enice jinaɔa adinigeɔaɔaleɔeni! Pida nigoyemaa metiɔadikanitice makaami niotagi, abaatege.

22 Igaataga niɔina niotagi anenidite Goniotagodi ja dinikatice leegodi naɔa nebi Goniotagodi. Pida

nigina goneleegiwa ane daga niotagi anenidite Aneotedogoji ja liotagi Cristo.

²³ Aneotedogoji dakake godoojedi me dinoojetetedogowa, enice jinagadinikanitece dagakaami liotagipi goneleegiwadi!

²⁴ Inioxadipi, oninitecibeci leeditibige midioka limedi me dioteci anodaagee lewiga negenidite Aneotedogoji, pida begele midioka limedi me gadilakiitege Aneotedogoji.

Ixomağaga inaa wajekalodipi

²⁵ Goniotagodi agica najigotedogowa niigenatakanegegi nigina oko ane digica me nadonağa. Pida jelogodi ane yowoogo, igaatağa ee oko aneliodi me iwikode Goniotagodi, codaa eote me ee oko, anoyakadi monakato eledi oko.

²⁶ Igaatağa niginoa nokododi dakaketogodomi. Odaa jakadi mele nigina oko midaagee nigida anee.

²⁷ Nigakaami wadonağa, odaa jinogoleetibige malatağani. Pida nigakaami ixomegegi, odaa jinogoleetibige madoni.

²⁸ Pida nigadoni, agica gabatiigi. Codaa nağana awicije me wado, ageo ane beyagi. Pida nigina ane nadonağa owidi ane dakaketema digoina iigo. Odaa ee adomağa jemaa minoa niginoa ane dakaketağadomitiwaji.

²⁹ Inioxadipi, Jemaa mejitağawatiwaji naga noxopa nokododi. Enice anodaagee lewiga goneleegiwadi wadonadi leeditibige me liciagi lewiga niginoa ixomağaga.

³⁰ Odaa nişina ane agecaşalodipi micataşa daaditaşa agecaşalodipi. Codaa nişina ane ninitibigiwaji micataşa daaditaşa ninitibigiwaji. Codaa nişina ane oojeteeşa micataşa daaditişica anodinoojete.

³¹ Odaa nişina anodinilakidetigi nişinoa aninoa digoina iigo micataşa daaditaşa ica aneetege. Igaataşa nişinoa lakataşa nişina oko anida aneetege nişina iigo icota me ma.

³² Jemaa me dişica ane şadigecaşalegenitiwaji. Nişina ixomeşegi niwitalo ane yemaa Goniotagodi, codaa me yowo nişica ane yakadi me loenataşgi me docaşatalo Goniotagodi.

³³ Pida şoneleegiwa wadonaşa başa niwitalo nişinoa aninoa nişina iigo, igaataşa doletibige me docaşata lodawa.

³⁴ Odaa jişidaa naşa dioteci itiwataale naicoli. Pida nişina wajekalodipi inaşina awicijipi analee daşa nadonaşa bogoniwita ane yemaa Goniotagodi. Igaataşa oyemaa miniokiniwateda modibatema Goniotagodi manitawece laaleşena codaa me lewişa. Pida iwaalo wadonaşa başa niwitalo nişinoa aninoa nişina iigo igaataşa yemaa me yocaşaneşe lodawa.

³⁵ Ejitedaşawa nişinoa yotaşa me joletibige me şadaxawanitiwaji, aşemaa daşa şadibeyacaşatitiwaji. Pida jemaa mawii ane işenaşa codaa me nişina anele, makati minokawii ane yemaa Goniotagodi, codaa me dişica ane şadigecaşaleşeni.

³⁶ Nişina midi oko ane dinilakidetiwage me dinodawamigi, pida nige leegitege nişica noko me

nadonaga, odaa niḡini ḡoneleegiwa nige daḡadiaa yakadi me dinatita, pida nige yemaa me age me wado, enice ele me age me dinodawamigi. Aḡica libatiigi.

³⁷ Pida niḡina lioneeḡa ane yakadi me dinatita me daḡa doletibige me loomatewa iwaalo, odaa niḡini aleeditibige me wado, codaa nige daḡa yemaa me wado, ele lowoogo.

³⁸ Pida idaagee, niḡina lioneeḡa ane lodawa lokaageete eo anele. Pida niḡina lioneeḡa ane daḡa wado leeḡodi me yakadi me dinajacaḡadi, daḡaxa mele niḡida lowoogo.

³⁹ Naḡani iwaalo wadonaga ayakadi me doletibigeeledi ḡoneleegiwa niḡina malee yewiḡa lodawa. Pida nige yeleo lodawa, odaa baanaga yakadi me lodawaeledi ḡoneleegiwa ane yemaa, pida leeditibige me doletibige niḡina ḡoneleegiwa anaḡaḡa nakato Goniotaḡodi.

⁴⁰ Pida jakadi ina me daḡaxa me ninitibece nigidioka limedi me wajekalo. Codaa aḡaḡa jakadi ina me Aneotedoḡoji Liwigo ane najigotiwa niḡinoa yowooko anejitedaḡawatiwaji.

8

Libole anoiboota niwigo

¹ Niḡina natigide jemaa me idalaḡata libole anoiboota niwigo moiweniḡide. Muditibece, “Okotawece ida ane jowoogotaḡa.” Niḡina mini oko ane yakadi minoa ane yowoogodi, niḡini dinaḡaxaketibece, pida niḡina me idinemaanaḡatiwage, baaniḡidaageo me ilitema oko eliwaḡatakaneeḡeḡi.

² Nişina mini oko ane yakadi minoa lixaketedi, aşica minitaşa nişica nixakedi anewi.

³ Pida Aneotedoşoji yowoşodi nişina oko anoyemaa.

⁴ Natigide idalaşata libole anoiboota niwigo. Jowoşotaş me dişica niwigo ane yewişateloco nişina iişo ane loenatagi oko, codaa jowoşotaş mokiniwatece Aneotedoşoji ewikegi, aşicaeledi.

⁵⁻⁶ Modi minoa eletidi anoditiogi me şonoenododi digoida ditibigimedi, codaa me digoina iişo, oada idaaşida modi mowidi nişicoa şonoenododi codaa me şoniotagododi. Pida nişida moko başa jowoşotaş mokiniwatece Aneotedoşoji, Godiodi, ane yoe inoatawece aninoa, codaa jişiniaa şodoe me şodewişatema. Codaa iniwa oniniwatece Goniotagodi, Goniotagodi Jesus Cristo, ane ibake Aneotedoşoji me yoe inoatawece aninoa, codaa jişiniaaşeote me şodewişa.

⁷ Pida aşinatawece oko anoyiwaşadi Goniotagodi oyowoşodi niwicidi noenataka me dişica loniciwaşa. Nişina oko anidioka limedi moyiwaşadi me newişa niwicidi noenataka. Codaa nişina noko egoyeligo libole anoibooeledi oko moiwenişide niwigo, odiletibige nişidi libole daşa nebi niwigo. Oada aşaleeşoyowoşodi nişica anele, codaa odeemitetece catiwedi laaleşena me nibataaşa nişina midatecibece moyeligo nişidi libole.

⁸ Pida nişina libole aşodadeegitalo Aneotedoşoji. Codaa aşica ane jiniataşatema nige daşa jelicaşa libole, codaa nige jelicaşa idaaşee aşica şonigaanye.

9 Enice anidakitativaji adaḡawii menitini ḡanioxoa analeedaga yowoḡodi niḡica anele, leeḡodi mepaga owoḡoti makati melici niḡidi libole.

10 Niḡica ane niitaḡawa analee deḡewi ina me yowoḡodi anele, anepaga noḡowoḡoti, odaa jeḡelici libole minitaga diimigi, liḡeladi niwigo, odaa aḡaḡa yeligo.

11 Nige iaditece me yeligo niḡijo libole, odaa ja deemitece me dibatá, odaa jeḡeyamaḡatice, jaḡaniatagigitace, idoka leeḡodi me domaga ikeenaganegeni ḡadowoḡotakaneeḡegi. Pida Cristo aḡaḡa yeleotetema niḡini ḡoneleegiwa, ḡanioxoa analee deḡewi me yowoḡodi niḡica anele meo.

12 Odaa niḡida makaami jaḡabataatema niḡini ḡanioxoa codaa jaḡacilotiti laalegena, odaa joaniḡidaa naḡabataatema Cristo.

13 Odaa nige leeḡodi libole me jao me dibatá inioxoa, odaa aḡalee jeligo libole anoiboota niwigo bidige ajibatakati inioxoa.

9

Paulo yalaḡata naḡatetigi

1 Domige jakadi me jao ane jemaa? Domige ee liiḡexegi Aneotedoḡoji? Ee liiḡexegi Goniotaḡodi leeḡodi me jinadi Jesus Cristo, ane Goniotaḡodi, codaa me iwagaḡitetiawaji Goniotaḡodi leeḡodi ibakeditema.

2 Icaḡica eledi oko nige doḡodibatigi me ee liiḡexegi Aneotedoḡoji, pida akaamitiawaji baḡaniwotitema mewi me ee liiḡexegi Aneotedoḡoji. Me iwagaḡitetiawaji Goniotaḡodi

ee leeḡodi, oḡaa niḡida anenitiwaji ja ikee me ee liiḡexegi Aneotedoḡoji.

³ Niḡina oko modotaḡatibigiji, ininiḡodi meji,

⁴ “Niḡina me jibaaḡa, domige jakataḡa me jibaḡatege ane jopoḡatibige me jiniodaḡa, codaa me jacipaḡata?”

⁵ Ina me iniwiajeeḡa me jaḡa ḡobakedi, domige jakataḡa me jadeeḡaḡa ḡododawali anonakato Goniotagodi, anee eletidi liiḡexedi Aneotedoḡoji, codaa me nioxoadipi Goniotagodi, ijaa Pedro?

⁶ Oḡoa, domige emokeeto Barnabé me leeditibige me jibaaḡa mokomaḡa jinoḡeteḡatibige ane jopoḡatibige?

⁷ Aḡica ini iodaḡawa anepaa yedia laakataka niḡina meo ane libakedi me iodaḡawa. Codaa aḡica ini anetanaḡa, ane daḡa yeligoteda lawodigijegi. Codaa aḡica ane yowie lexeela, oḡaa aḡotaḡa wacipetalo lotiidi.”

⁸ Niḡina me jiiḡaxinaḡa, aḡinokina me jiciaceketiwage niḡinoa aninoa digoina iḡo, pida midiwa lajoinaḡaneḡeco Moisés diniditelocho idaḡida niḡida niḡaxinaḡaneḡegi.

⁹ Iḡataḡa najoinaḡaneḡeco ane iditedini Moisés, diniditelocho, “Jinaḡa agoeni nioladi ewalaile niḡina me nidi leyeema.” Oḡaa Aneotedoḡoji mige inoka iḡecaḡaleḡeteda ewalaile?

¹⁰ Oḡoa domigeote ida ligegi maḡaḡa yalaḡatedoḡowa? Ajawienatakaḡa maḡaḡa yalaḡatedoḡowa me yemaa me ḡodaxawa. Iḡataḡa niḡina anetanaḡa, codaa me niḡina ane nopilaḡaditedio nawodigijedi owo niḡida

libakedi, odaa niḡidi itoa onibeotege modibatege ane niwai niḡjoa anonopilaḡaditedio.

11 Odaa niḡida micataḡa daḡa ejanḡatiwaḡajitiwaji lolagi Liwigo Aneotedoḡoji. Odaa ejimele me jibaḡatege ane jopoḡatibige ane icoḡoticogi makaamitaḡatiwaji, micataḡa niḡina ane nopilaḡaditedio lawodigijedi.

12 Niḡoyakadi eledi oko modibatege anoyopotibige me newiḡa akaamitiwaji, odaa okomodi baḡa domaḡa daḡaxa mele me jibaḡatege ḡadaxawatakaneeḡegi.

Pida niḡida moko ajemaanaḡa doḡoka ḡadiboloiteeneḡegi me jakataḡa me jibaḡatege ane jopoḡatibige makaamitaḡatiwaji. Pida ajibaḡatege, odaa jixomaḡateenaḡatedice ḡodawikodico, jaḡatibige me daḡa ḡodibeyacaḡadi niḡina me jiḡaxinaḡanaḡatece ḡobodicetedi anele anoditece Cristo.

13 Analakitibigetiwaji niḡijo anodibatigi Aneotedoḡoji liḡeladi odibatege epaa liweenigi, niweenigi anoyajigotalo Aneotedoḡoji? Niḡina moyeloadi eijeḡagi odaa joḡoyalegi madi nameeja wetiḡa mini Aneotedoḡoji liḡeladi, niḡidi oko onoḡa liwai niḡidi libole.

14 Jiḡidaaḡee Goniotagodi me iḡe niḡina ane yatemati natematigo anele anoyalaḡatalo Goniotagodi, niḡidi leeditibige modibatege anoyopotibige miditaḡa oko anoniḡaxitiniwace.

15 Pida ajemaa me jibatege niḡijo ane domaḡa leeditibige me jibatege, codaa ajiditibigaḡaji naḡadi iwakate daḡa jipokotaḡawa ane domaḡa leeditibige me jibatege. Ejime daḡaxa mele

me ideleo, aḡele daḡa jipokotaḡawatiwaji ane domaḡa leeditibige me jibateḡe. Ajemaa diḡica ane noḡa ane leeḡodi me idinabaketibece me diḡica inigaanye me jiba.

¹⁶ Aḡica leeḡodi daḡa idinabaketibece me jatemati ḡobodicetedi anele, igaataḡa Aneotedoḡoji idiḡe me jatemati. Pida nagoodi ee daaditaḡa jatematiteda nibodicetedi anele, igaataḡa taḡa idiloikatidi Aneotedoḡoji!

¹⁷ Daḡa jakadi me jiwi mige jatemati nibodicetedi anele, oḡoa domige ajatemati, daḡanagawini jakadi me inibeoteḡe inigaanye. Pida leeditibige me jatemati nibodicetedi anele leeḡodi Aneotedoḡoji idiḡete me ibakedi, oḡaa ajakadi me jiwi mige jemaa, oḡoa domige ajemaa.

¹⁸ Oḡaa, amiini ica inigaanye? Ane inigaanye, niḡina me jatemati ḡobodicetedi anele, oḡaa aḡica ane jibanoonaḡatece, codaa me jao niḡida ibakedi aḡica daḡa jipokotaḡawa ane domaḡa leeditibige me inigaanye.

¹⁹ Aḡica ane ee liotagi, codaa aḡica ane idiḡe. Pida jao me ee liotagi inatawece oko jaotibige meliodi oko ane inigaanyetema Cristo.

²⁰ Maleeḡidiaaḡejo miditaḡa judeutedi, jioteci lakataḡa jaotibige midi ane inigaanyetema Cristo. Niḡijo me jiba miditaḡa anodioteci liḡaxinaḡaneḡeco Moisés, jioteci lakataḡa idaḡida me daḡa domaḡa leeditibige, leeḡodi jaotibige midi oko ane inigaanyetema Cristo.

²¹ Niḡijo me idejo midi ane daḡa judeutedi ajioḡece lakataḡa Moisés, jaotibige midi ane inigaanyetema Cristo. Pida idioka limedi me

jiotece liigenatakanegeco Aneotedogoji, ane diigaxinagatetece Cristo.

²² Niḡijo me idejo mido ane daḡa yoniciwaditeloco eliwaḡatakanegegi, idiniciaceeketege, leegodi joletibige me inigaanyetema Cristo. Joanigidaa me jioteci lakataḡa oko anejotice, jaotibige mido anida gela lewiḡa miniwataḡa Cristo.

²³ Idioka limedi me jao me micataḡa deḡee niotagi jaotibige eledi oko mowajipata ḡobodicetedi anele, codaa jaotibige me idibinie Aneotedogoji digo anigotediogi me ibinietediogi oko anowajipatalo nibodicetedi anele.

²⁴ Digowoowiwaji niḡina waletaḡa, iditawece waleditibigiwaji modoletibige me gaanyaḡa. Pida oniniteci ane dibatege noḡeedi. Enice adinoniciwaḡati malokoditiwaji amaleeḡaḡa anigaanye ane ḡanoḡeedi.

²⁵ Inoatawece nalokodeḡecajoli dinenyaḡadi codaa dinowedi meotibige me dinigaanyetece lale anepaḡa icota me daa. Pida oko baḡa idinoniciwaḡataḡa me jadeeḡaḡa nibodicetedi anele jaogatiḡe me inigaanyagetece ḡonoḡeedi ane daḡa daa.

²⁶ Joanigidaa leegodi me idinoniciwaḡadi me jalokodi, aiciagi niḡina netadicaḡaneḡecajo ane daḡa naliḡo ane yetadigi, odao mina aniadi loniciwaḡa.

²⁷ Odao niḡida me ee jiloikatidi yolaadi micataḡa daḡa onetadigitice, jaotibige me jakadi me jajacaḡadi yolaadi. Codaa jaotibige nige jigodi ibakedi me jatematitema eledi oko nibodicetedi anele, odao ajiniaditema ane inoḡeedi.

10

Paulo yajacağadi Coriintiotedi leeğodi niwicidi noenataka

¹ Inioxoadipi, ajemaa daaditoğowoğotitiwaji anoixomağateetice ğodaamipi anodioteci Moisés. Ijotawece ideı natinedi niğijo lolaadi Aneotedoğoji ane niıge me dowediteloco, codaa ijotawece diğetitacicoace, mewaligitibigiwaji catinedi akiidi-eliodi ane yawalacetedicoace Aneotedoğoji, odaa ja yadilotece ligi. Niğidi akiidi-eliodi liboonagađi “Akiidi-eliodi lixagoteğegi.”

² Niğijo ğodaamipi me ideı natinedi niğijo lolaadi codaa neğeyagitinigi liwigotigi akiidi-eliodi. Odaa micatağa diğijotawece dinilegetibigiwaji, niğijo nağa ijotawece odioteci Moisés liwigotinigi akiidi-eliodi.

³ Ijotawece oyeligo idokida niweenigi ane niwakatee Aneotedoğoji icogotibigimece ditibigimedi.

⁴ Codaa ijotawece owacipeta idokida ninyoğodi ane niwakatee Aneotedoğoji. Niğida ninyoğodi icogotiwece wetiğa. Nağani wetiğa micatağa dağa Cristo, ane diotedibece.

⁵ Pida Aneotedoğoji aninitedibece leeğodi eliodi niğidi ğodaamipi nibatağa, joanığidaa leeğodi meliodi nigo, odaa loolatedi ilaagiteloco midı nıpodigi ane yadilo.

⁶ Ijoatawece ninyaco ğodaamipi owotibige metiğodajacağadi, me dağa jemaanağa me jaoga ane beyagi baanoğowote niğidi noiigi.

⁷ Jinoğoğeetalo niwicidi noenataka dağawii lici-agi onateciğijo niğijo oko baanığijo modoğetetalo.

Aneotedoꝑoji lotaꝑa yalaꝑatiogi niꝑidi, mee, “Noi-igi nicotiniwace me niodaꝑa codaa me nacipaꝑa, odaa ja dabiditiniwace, ja diniꝑiliidi.”

⁸ Odaa jinaꝑa ꝑadoomatewa ane daga ꝑadodawa, anee niꝑijo noiigi. Odaa leeꝑodi niꝑica anee, vinte-três miili oko nigo ijokijo noko.

⁹ Agele daga idineenaꝑatalo Goniotaꝑodi, digo anee onateciꝑijo niꝑijo noiigi. Joaniꝑidaa leeꝑodi Aneotedoꝑoji me niꝑe laketedi ane diniweneene monoꝑojatiniwace niꝑidi oko, odaa eliodi oko ja nigo.

¹⁰ Enice jinaꝑa adinalomegenitiwaji, digo anee onateciꝑijo niꝑijo noiigi. Joaniꝑidaa leeꝑodi Aneotedoꝑoji naga iꝑetediogi niꝑijo aanjo ane ꝑodaꝑadi me nigodi.

¹¹ Odaa joaniꝑidaaꝑee jotigide ꝑodaamipi, odaa Moisés iditeloco maditaꝑa Aneotedoꝑoji lotaꝑanaꝑaxi eotibige me ꝑodajaꝑadi. Igaataꝑa niꝑina nokododi aneꝑonaꝑatigilo ja niꝑegi me daa niꝑina iigo.

¹² Niꝑina oko ane diletibige daga datiteti me dabiditi, leeditibige me dinowedi adeꝑenitini, adeꝑeyamaꝑatice eliwaꝑatakaneeꝑegi.

¹³ Niꝑina mawikodeetiwaji, ꝑadawikodico liciaco lawikodicoeledi oko. Pida Aneotedoꝑoji idioka limedi meote ane ligegi, codaa ꝑadikanitetiwaji daꝑawikodee caticedi ꝑadoniciwaga. Niꝑina me ꝑadikanitetiwaji mawikodee yajigotedaꝑawa ꝑadoniciwaꝑatiwaji mabootege ꝑadawikodico, odaa akati me ꝑadiwokoni me amiꝑitice.

¹⁴ Joaniꝑidaaꝑee, akaami yokaꝑetedipi

yemaanigipi, jinigica anenitege niwicidi.

15 Ejitaḡawatiwaji anakaami oko ane yowoḡodi inoatawece. Akamaḡakaami awinitecetiwaji niḡida ane jeloḡoditaḡawa.

16 Digowoo naḡajo goopa viinyo ane jacipaḡateloco me iniotagodeeḡatalo Goniotaḡodi leeḡodi me yeletodeḡodomi. Idioka limedi me ḡodibinie niḡina me jacipaḡateloco naḡajo goopa, leeḡodi ḡodexogotege Cristo leeḡodi lawodi ane nadoḡoditedoḡoloco. Codaḡ digowoo niḡijo paon ane idinawalacenaḡatigi me jeliḡaḡa niḡina me ḡodalagaḡatibige lolaadi Cristo moyacilotidi leeḡodi okomoḡoko. Niḡina me jeliḡaḡa paon, odaḡ ja jikeenaḡa me jatecoḡojogotege Cristo.

17 Okotawece idiokidi paon ane jeliḡaḡa, idaḡida moko eliodi, pida ida anejinaḡatege idiokidi nolaadi, igaḡaḡa idiokidi paon ane jeliḡaḡa.

18 Digowoo niḡijo anowo loiigi Israel. Niḡijo anoyeligo libole anoyalegi madi nameeja Aneotedoḡoji modocaḡatalo niḡidi ida aneetetege Goniotaḡodi leeḡodi nameeja nebi Aneotedoḡoji.

19 Amiini ica ane jemaḡ me jeloḡoditaḡawatiwaji? Aḡejitaḡawatiwaji niwicidi noenataka mida nimaweneḡegi. (Leeḡodi aḡica nimaweneḡegi!) Codaḡ aḡeji mida niwaló niḡina oko moyedia niwigo. (Leeḡodi aḡica niwaló!)

20 Pida ane leeḡodi me idalaḡata niḡina oko moyedia niwigo noenatagi, jaḡaḡa oyedia niwicidi abeyacaḡaḡa, idigida aḡoyedia Aneotedoḡoji. Joaniḡidaḡ ajemaḡ diḡica aneniteḡetiwaji niwicidi abeyacaḡaḡa.

21 Agakatitiwaji daɓa acipeteloco naɓa da goopa me ɓodalagatibige lemegegi Goniotaɓodi, oditaɓa diɓidiaaɓidi jaɓaɓa acipeteloco eledi goopa anowacipeteloco moiweniɓide niwicidi abeyacaɓaɓa. Ayakadi deɓelicitiwaji paon niɓina me ɓodalagatibige moyacilotidi lolaadi Goniotaɓodi leeɓodi okomogoko, oditaɓa diɓidiaaɓidi jaɓaɓelici eledi paon anoyeligo moiweniɓide niwicidi abeyacaɓaɓa.

22 Domige joleeɓatibige Goniotaɓodi me delokojoɓo? Coda domigaleetibigeti waji daɓa daɓaxa me ɓodoniciwadi caticedi Goniotaɓodi?

Ele me joleeɓatibige me jocaɓanegenaga ɓonioxadipi

23 Inatecibece oko modi, “Jakataɓa me jaɓa ane jemaanaɓa me jaɓa!” Ewi me yakadi, pida ayaxawa eledi ɓonioxa. Inatecibece eledi modi, “Jakataɓa me jaɓa okanicodaɓica!” Pida ayaxawa me ili eliwaɓatakaneeɓi eledi oko.

24 Aɓica ane yakadi me doletibige inokina ane yema, pida leeditibige me joleeɓatibige me jaɓa inokina ane yaxawa eledi ɓonioxa.

25 Niɓina manoojete libole mani liboledaɓaxi, aleeditibige daɓa agikani niɓidi libole domige ni boonigita niwigo moiweniɓide. Pida yakadi manoojete okanicodaɓica libole melici, me daɓa agikanitece daɓa ɓadigeɓaɓaleɓeni migele melici, oɓoa domige aɓele melici.

26 Igaataɓa lotaɓa Aneotedoɓoji modi, “Iiɓo, coda minoatawece anino, nepilidi Goniotaɓodi.”

27 Nigica oko ane daɓa nakato Goniotaɓodi ane ɓadodeni maniodi liɓeladi, nigemii, oda elici

okanicodaagica anoyajigotaḡawa, pida jinaḡa agikani migoyajigo niḡida niweenigi moiweniḡide niwigo. Jinaḡa agecaḡaleḡeni migele, oḡoa domige agele melici.

²⁸ Pida nigica oko aneetaḡawa, “Niḡidi libole diniboota niwigo moiweniḡide”, oḡaa jineḡelici. Ele me deḡelici leeḡodi niḡijo oko aneo ḡadeemidi, adaḡawii ane yakadi me beyagi niḡini oko.

²⁹ Leeḡodi lowooko, oḡaa ele me daḡaniodi, aleeḡodi anakamaḡa ḡadowooko.

Pida yakadi mica oko ane digika, anee, “Igaamee ina me daḡa jakadi me jeligo ane jema, idoka leeḡodi eledi oko me yakadi me beyagi me jeligo?”

³⁰ Nige iniotagodetalo Aneotedoḡoji leeḡodi iweenigi ane jeligo, amiida leeḡodi eledi oko metidalomeḡe? Leeḡodi ja iniotagodetalo Aneotedoḡoji leeḡodi iweenigi ane jeligo.”

³¹ Ee jiḡidaaḡee me jowo. Niganioditiwaji, oḡoa domigacipe, oḡoa domigawii okanicodaagica, idioka limedi moleetibige oko modoḡetetalo Aneotedoḡoji.

³² Awii anodaḡeni me ḡadewiki me daḡawii lélaḡa judeutedi, oteḡexaaḡaḡa eledi noiigi, oteḡexaaḡaḡa loiigi Goniotaḡodi.

³³ Awii liciagi aneji. Idinoniciwaḡadi me jocaḡaneḡe inatawece oko inoatawece yoenataka. Ajowo inokina ane idaxawa, pida aḡaḡa jowo niḡina ane yaxawa eledi oko, jaotibige modoletibige Aneotedoḡoji me yakadi meote gela lewiḡa.

11

¹ Anowiikitiwa, aneji me inowiiḡotalo Cristo.

Ane leeditibige me lakatigi iwaalepodi minitaḡa Aneotedoḡoji ligeladi

² Jemaatibigaḡajitiwaji leeḡodi manalakitibige ijoatawece baanaḡa jiiḡaxitedaḡadici, codaa motetenitetiwaji niḡijoa niḡaxinaḡaneḡeco ane jajigotedaḡawa.

³ Natigide, jema mowoḡotitiwaji Cristo me lacilo inoatawece ḡoneleegiwadi, codaa niḡina ḡoneleegiwa jiiḡinaa lacilo iwaalo, odaa Cristo lacilo baḡa Aneotedoḡoji.

⁴ Niḡina mateciḡi minitaḡa Aneotedoḡoji ligeladi moḡeetetalo, odaa nigica ḡoneleegiwa ane dabiditini me yotaḡaneḡe Aneotedoḡoji, oḡoa domige yeloḡodi ane ligegite Aneotedoḡoji, pida yapoḡoditi lacilo, niḡida ane adeemitetibige Cristo ane lacilo.

⁵ Codaa naḡana iwaalo nige daḡa yapoḡoditi lacilo, odaa ja yotaḡaneḡe Aneotedoḡoji, oḡoa domige yatemati ane yeloḡodite Aneotedoḡoji, naḡani iwaalo adeemitetibige lodawa, ane domaḡa lacilo. Pida ja liciaceekawa naḡana iwaalo ane yapitaḡadi lacilo.

⁶ Iwaalo nige daḡa yapoḡoditi lacilo, odaa domeḡele me yapitaḡadi lacilo. Pida nige liboliḡa iwaalo me yapitaḡadi lacilo, odaa dice leeditibige me yapoḡoditi lacilo.

⁷ Niḡina ḡoneleegiwa baadaḡa leeditibige me yapoḡoditi lacilo, igaataḡa Aneotedoḡoji yoe ḡoneleegiwa me liciaceekawa, codaa jajigote naḡatetigi ane datika me doḡetetalo Aneotedoḡoji.

Pida iwaalo baɓa ikee naɓatetigi ɓoneleegiwa, codaa me doɓeteta.

⁸ Igaataɓa Aneotedoɓoji odoejegi me yoe ɓoneleegiwa, oɗaa niɓidiaaɓidi jaɓaɓa yoe iwaalo, datikate epaa laweeɓi ɓoneleegiwa. Niɓijo odoejegi ɓoneleegiwa aicoɓotiwece iwaalo le.

⁹ Aneotedoɓoji ayoe ɓoneleegiwa daɓa leegodi iwaalo, pida iwaalo baɓa yoe leegodi ɓoneleegiwa.

¹⁰ Joanigidaa leegodi iwaalo me leeditibige me yapoɓoditi lacilo me ikee ɓoneleegiwa mida naɓatetigiteloco, oɗaa nige niɓidaaɓee aigeɓaɓoɓotidi aanjotedi anoigoaditiogi.

¹¹ Pida ida ane jaɓa me jowoɓotaɓa niɓina me ɓodexogotege Goniotagoɗi, naɓana iwaalo yopotibige me dinaxawatege ɓoneleegiwa, codaa ɓoneleegiwa yopotibige iwaalo.

¹² Igaataɓa digo anigote Aneotedoɓoji maleekoka yoeteda iwaalo datikate laweeɓi ɓoneleegiwa, oɗaa idaaɓee niɓina ɓoneleegiwa menitini, icoɓotiwece iwaalo le. Pida inatawece oicoɓoticogi miniwataɓa Aneotedoɓoji ane yoe inoatawece.

¹³ Akamaɓa adiniwinitiwaji domige igenaɓa ɓadakataga! Niɓina Aneotedoɓoji loiigi me yatecoɓo, domigele ana iwaalo me yotaɓanege Aneotedoɓoji me daɓa yapoɓoditi lacilo? Aɓele!

¹⁴ Okomaɓa ɓodowookoneɓegi etigodiigaxi me ɓoboliɓa ɓoneleegiwa me daɓaxa mamodixaɓa.

¹⁵ Pida iwaalo lamodi mocaɓataɓa beɓeo moi-weniɓide. Igaataɓa Aneotedoɓoji eote lamodi mocaɓataɓa me yapoɓoditi lacilo.

¹⁶ Nigica ane yemaa me yotigimade yotaɓa, ejitaɓawa me diɓica eledi ɓodakatigi niɓina me

jatecoḡoḡoḡo, codaa niḡinoa eletidi lapoli loiigi Aneotedoḡoḡi idaagee aḡica eledi lakatigi.

Anodaagee me ḡodalagatibige lawikodico Goniotaḡodi

17 Digawinitiwaji! Niḡijo niḡaxinaḡaneḡegi ane jajigotaḡawatiwaji, oḡaa ajemaatibigaḡajitiwaji, igaataḡa niḡina me ateciḡi moḡeetetibigimece Aneotedoḡoḡi, oḡaa akamaḡa adinibey-acagaḡitiwaji, aḡaxawani eledi me ilitema eliwaḡatakanegēgi.

18 Jiḡidaa oḡoejegi ḡadoenataḡi ane beyagi. Jajipatibece moyalaḡata niḡina mateciḡitiwaji, minoa lapoli oko dakapetibigiwage, dinotigimade, doletibige me nidelaḡa. Ja domaḡa ejiwaḡadi niḡida natematigo.

19 Ajawienatakanaga me leeditibige midiwa lapoli ane dawalacetiwage ḡadiwigotigitiwaji amaleeḡaga yeloḡo anepaga iḡenaḡatibigiwaji.

20 Niḡida aneni mateciḡi maniodi me ḡadalakitibigetiwaji lawikodico Goniotaḡodi, niḡida niweenigi anelicitiwaji aḡica aneetetege Goniotaḡodi, igaataḡa aḡoḡeetalo.

21 Igaataḡa niḡina manioditiwaji, anilecitiwage, oḡaa idi anodoejedipi moyeligo epaa liweenigi. Pida oḡaa jiḡini ane aḡitaagi, codaa iniaaḡeledi baḡa yemaḡa.

22 Igaamenitiwaji midaga eni? Aḡica akamaḡa ḡadigeladitiwaji anei makati maniodi, macipe nigepaa licataḡadici? Aḡeemiteetibigetiwaji Aneotedoḡoḡi loiigi, codaa abolikatititiwaji madewetedi. Amiida ica anejitaḡawatiwaji?

Domige ɣadiweniɣidenitiwaji? Oteɣexaagaɣa onateciɣini!

²³ Goniotagodi nikeetediwa niɣinoa ane jiiɣaxitaɣadicitiwaji. Jiiɣaxinaɣatece me niɣijo enoale Judas niɣijaanaɣa yajigotedigi Goniotagodi mijoa nelogododipi, Goniotagodi Jesus ja dibate ijo paon.

²⁴ Naga diniotagodete Aneotedoɣoji, odaa ja yawalace niɣijo paon, odaa mee, “Abaata niɣini paon, odaaɣelici! Niɣidi paon liciagi yolaadi ane dinoketibige leegodi akaamitiwaji. Idioka limedi mawii niɣida manalakitibigiji.”

²⁵ Igaanaɣa niataɣa moyeligo niɣijo paon, idaagigote Jesus naɣajo goopa viinyo, dibate, odaa mee, “Naɣada goopa ikee Aneotedoɣoji me gela me dinilakidetacetege me dibatetege oko leegodi me inadoogodi yawodi leegodi inatawece oko. Odaa idoka enitiwaji niɣina macipetibigelocotiwaji goopa viinyo awii niɣida manalakitibigiji.”

²⁶ Igaataɣa niɣina melici paon codaa macipeteloco goopa viinyo, niɣida anenitiwaji, idioka limedi me ikeeni Goniotagodi me yeleotedoɣodomi nigepaaɣicota me dopitedijo.

²⁷ Joaniɣidaa leegodi oko ane yeligo nipaon Goniotagodi oɣoa domige wacipeteloco nigoopa Goniotagodi, pida lewiɣa nige daɣa ikee me deemitetibige Goniotagodi, niɣini oko eo ane beyagitema lolaadi codaa me lawodi Goniotagodi.

²⁸ Enice maleedoɣoyeligo paon oɣoa domige owacipeteloco goopa viinyo, oninitecibeci leeditibige mecoɣotace diniwi, iwitece lowooko.

²⁹ Igaataḡa niḡina ane yeligo paon codaa me wacipeta viinyo me daḡa yowo oteḡexaagaga deemitetibige niḡidi paon idaa viinyo anoici-aceeketeḡe lolaadi idiaa lawodi Goniotagodi, niḡina nigowacipe codaa moyeligo, Aneotedoḡoji iloikati niḡidi oko.

³⁰ Joaniḡidaa leeḡodi eliodi niḡina akaamitiwaji aḡadoniciwatitiwaji codaa akaami eelotaginadi, codaa mijo ane nigo.

³¹ Daḡa jiwinagatece okomaḡa ḡodowooko, odaa aḡotaḡa ḡodiloikatidi Aneotedoḡoji.

³² Pida Goniotagodi ja ḡodiwi codaa ja ḡodiloikatidi eotedibige Aneotedoḡoji me daḡadiaa leeditibige me ḡodawanaḡaditeteḡe niḡina oko anida aneeteḡe niḡina iiḡo nige limedi me iloikatidi nigowidijegi noko.

³³ Enice, inioxoadipi, niḡina mateciḡitiwaji maniodi, codaa macipe viinyo me ḡadalakitibigetiwaji Goniotagodi, adinaliitiwaji.

³⁴ Codaa nigica ane nigicile niḡina akaamitiwaji, leeditibige maniodi digoida liḡeladi, odaa aḡenagi liḡeladi Aneotedoḡoji midokida maniodi, odaa aḡica ane iloikatidi Aneotedoḡoji niḡina me ateciḡitiwaji. Nige jakadi mejigo idalitaḡawatiwaji, odaa jema aḡadajacaḡatitece niḡinoa eletidi ganicina ane aḡikanitecetiwaji.

12

Godixaketedi ane najigotoḡowa Aneotedoḡoji Li-wigo

1 Inioxoadipi, jemaa mowoogotitiwaji anewi aneetece godixaketedi ane najigotoogowa Aneotedoogoji Liwigo.

2 Owoogotitiwaji nigijo maleedağa anakatoni Goniotagodi, nigijoa niwicidi noenataka ane dağa notaganaga etiğadiigeni, codaa me iwağati.

3 Joanigidaa leegodi me jemaa mowoogotitiwaji me diğica oko ane yakadi mee, “Jixoomağa Jesus”, oditaga ejinağa Aneotedoogoji Liwigo eo me dotağa. Codaa ağica ane yakadi mee, “Jesus Goniotagodi”, nige dağa Aneotedoogoji Liwigo aneo me dotağa.

4 Owidi latopaco ane jiniigaticogi, pida iniaağini Liwigo Aneotedoogoji ane godediatetece.

5 Owidi latopaco nibaketedi, pida iniaağiniwateda Goniotagodi ane jibaağatema.

6 Adinatopiamigi godixaketedi me jaoga ğobakedi, pida iniaağiniwateda Aneotedoogoji ane najigotoogowa oninotecibeci ida godixakedi me jaoga ğobakedi.

7 Pida Aneotedoogoji Liwigo adinatopiamico nimaweneğeco me dinikeeta oninotecibeci oko, eotibige minatawece ğonioxoadipi oyakadi moyaxawa oninotecibeci eledi.

8 Yajigota oko lixakedi me yajacağadi eledi oko mida lowoogotakanegegi, odaa iniaağini Aneotedoogoji Liwigo bağa yajigota eledi oko me lixakedi me diğaxinağatece anodaagee me jowoogotağa Aneotedoogoji.

9 Pida iniaağinitace Aneotedoogoji Liwigo ya-jigota eledi ğonioxa me niitigi me yoniciwadi eliwağatakanegegi, codaa iniaağini Aneotedoogoji

Liwigo yajigota eledi ḡonioxoa me yakadi me icilatidi eelotaginaḡa.

¹⁰ Coda aḡaḡa yajigota eledi ḡonioxoa lixakedi meote loenataka ḡodoxiceḡetedi, iniaḡeledi baḡa lixakedi me yatemati niḡica ane ikeeteta Aneotedoḡoji. Pida initecibece dibateḡe lixakedi me yowoḡodi niḡina niwigo mige icoḡoticogi miniwataḡa Aneotedoḡoji, oḡoa domige niwicidi abeyacaḡaḡa. Initecibece dibateḡe lixakedi me dotagatiḡilo eletidi iolatedi, iniaḡeledi baḡa dibateḡe lixakedi me yeloḡodi ane diitigi lotaḡa niḡina ane dotagatiḡi eledi ioladi.

¹¹ Pida oninitece Aneotedoḡoji Liwigo, oḡaa iniokini me yajigotiḡi oko inoatawece ane lixaketedi. Yajigota oko lixaketedi ane daḡa diniciamico, anepaa yemaa me yajigota oninitecibeci oko me lixakedi.

Godolaadi owidi liwailidi

¹² Loiḡi Cristo liciḡi ḡodolaadi anowidi liwailidi adiniciamico, pida oniditeci ḡodolaadi.

¹³ Jiḡidaḡee Aneotedoḡoji Liwigo negenagi diḡeladetiḡoji me ḡodajacaḡadi, eo mokokotece anee ḡodolaadi mokidatece pida owidi liwailidi, idaḡida me doḡoko diniciamico. Godiwigotiḡi ina judeutedi, idiaa ane daḡa judeutedi; idi niotagipi idiaḡeledi ane daḡa niotagipi. Oḡaa okotawece aḡoko diniciamico, pida jibaḡateḡe iniokini Aneotedoḡoji Liwigo.

¹⁴ Digawini! Niḡina ḡodolaadi aḡokiditece liwai, pida owidi liwailidi ane daḡa diniciamico.

15 Degee godogonagi, “Agee gobaagadi, odaa agica anejitege godolaadi.” Icaagica degeo niğida ligegi, pida idokee mida aneetege godolaadi.

16 Degee gonapaagate, “Agee gogecooge, odaa agica anejitege godolaadi.” Icaagica degeo niğida ligegi, pida idokee mida aneetege godolaadi.

17 Diğinatawece godolaadi nolee inokinoa gogecoogeli, amigetigida gonimawenegegi me jajipaaga, codaa diğinatawece godolaadi nolee inokinoa gonapaagate, amigetigida gonimawenegegi me jixigagate anigetigini ane danice?

18 Pida Aneotedoğoji yexogaaditedi inoatawece liwailidi ane daga diniciamico midi ane yemaa meyatedeloco godolaadi.

19 Godolaadi diğidokida ica anee, agotağa ejinağa me godolaadi.

20 Joaniğidaagee owidi liwailidi adiniciamico, pida idiokidi godolaadi.

21 Pida gogecooge ayakadi degeeta gobaagadi, “Niğida mee ajopotibigağaji!”, codaa godacilo ayakadi degeetiogi godogonaka, “Niğida mee ajopotibigağajitiwaji!”

22 Niğida moko eliodi me jopoogatiğibe niğidiwa liwailidi godolaadi ane daga yoniciwaditeda.

23 Codaa niğinoa liwailidi ane jakatağa me diğica ane jaogate, idowetağatologo me jiweniğidenaga. Codaa eletidi liwailidi ane jakatağa me goboliğa me jikeenaga, bağa jağatağatedi.

24 Pida inoa eletidi liwailidi ane jakatağa me libinienaga, baadaga leeditiğibe me jağatağatedi. Joaniğidaagee Aneotedoğoji yoe godolaadi eote

maḡaḡa yakadi me iweniḡide liwailidi ane jakataḡa me diḡica ane jaḡate.

²⁵ Aneotedoḡoji idaḡḡigotedoḡowa eotedibige me daḡa dinotigimade ḡowailidi ane daḡa dinici-amico, pida oniditecibeci dowediteloco eledi.

²⁶ Diḡidi liwai ḡodolaadi ane dawikode, odaa inoatawece eletidi liwailidi aḡaḡa nawikodeeḡa. Niḡica anoiweniḡide, odaa iditawece ninitibigi-waji.

²⁷ Digawini! Niḡida makaamitiwaji akaami lolaadi Cristo, odaa oninitecibeci niḡina akaamitiwaji akaami liwai lolaadi.

²⁸ Odaa Aneotedoḡoji eyatedeloco oninitecibeci oko epaa limedi. Odoeḡegi me dibatediogi me ibake niḡiḡoa liḡexedi, niḡidiaḡidi niḡina anoyeloḡoditedibece lowooko Aneotedoḡoji, odaa niḡidiaḡiditace niḡinoa anodiḡaxinaḡatece Aneotedoḡoji lotaḡa. Niḡidiaḡidi ja niḡinoa anida lixakedi mowote ḡodoxiceḡetedi, odaa ḡiḡidiaḡidi anida lixakedi moicilatidi eelotaginadi, niḡinoa anoyaxawa eledi aninoa ane yopotibige, codaa niḡinoa ane ḡodacilodi, codaa aḡaḡa ixotediobece niḡina anoyakadi modotaḡatigilo eletidi iolatedi.

²⁹ Domigokotawece oko liḡexedi Aneotedoḡoji, oḡoa domigokotawece oko anoyeloḡoditedibece Aneotedoḡoji lowooko, oḡoa domigokotawece oko anodiḡaxinaḡatece lotaḡa Aneotedoḡoji? Domigokotawece ida ḡodixakedi me jaḡate ḡodoxiceḡetedi?

³⁰ Aḡokotawece ida ḡodixakedi me ḡicilatitaḡa eelotaginadi, oteḡexaaḡaḡa jotagaḡaḡatigi eletidi iolatedi, oteḡexaaḡaḡa okotawece jakataḡa me

jeloḡotaḡa anodaa diitigi lotaḡa niḡina ane dotaḡatigi eledi ioladi.

³¹ Odaa oleetibige niḡica ane daḡaxa mele ḡadixakedi me yajigotaḡawa Aneotedoḡoji Liwigo.

Odaa ee baḡa jikeetaḡawatiwaji naigi ane daḡaxa mele.

13

Nemaanaḡaneḡegi

¹ Daḡa ixakedi me jotaḡatigilo inoatawece ane iolatedi digoina iḡo domigetaga ioladi anodotaḡatigi aanjotedi digoida ditibigimedi, pida nige diḡica yemaanaḡaneḡegitema eledi oko, yotaḡa taḡa liciaceekawa layaageḡegi niḡina moyaxacoḡo ḡapileceḡe domigetaga layaagaḡawa natililena ane deḡeleteḡe layaageḡegi.

² Codaa daḡa najigotiwa Aneotedoḡoji Liwigo ixakedi me jatemati lowooko Aneotedoḡoji, codaa daḡa jakadi me jikee ane yaḡaditedini, codaa daḡa jakadi me jikee anodaagee me jowoḡotaḡa Aneotedoḡoji, codaa diḡida eyiwaḡatakanegigi ane yoniciwadi mabo me jiḡe wetiḡa nelegi malati, pida nige deḡee niḡina ane yemaa eledi oko, aḡica iniwaló.

³ Codaa daḡa jiboo inoatawece ane inepilidi, codaa daḡa idinajigo metidalegi, pida nige daḡa jemaa eledi oko, odaa aḡica ane jaḡatibigiji.

⁴ Niḡina oko anida lemaanaḡaneḡegi, dinatita eledi oko, codaa idioka limedi meo aneletema eledi oko. Anocetema eledi, codaa

alowoogo daɗa daɗaxa mele caticedieledi oko, aɗanaɗaxakeneɗegi.

⁵ Niɗina oko anida lemaanaganeɗegi, aɗica loe-natagi ane ɗoboliɗa, codaa adoletibige ganigidi mepoka yakadi. Codaa aloidenigi, analagatibige anigida anodigota ane beyagi.

⁶ Niɗina oko anida lemaanaganeɗegi, aninitibece niɗinaeledi oko mowo ane beyagi, pida linikaɗawepodi niɗina anowo ane iɗenaɗa.

⁷ Niɗina oko anida lemaanaganeɗegitemaeledi oko ixomaɗateetice ane beyagi anodigota, codaa eyiwaɗadi niɗina mini ane yotaɗaneɗe, codaa nibeotege midioka limedi mowo anele, codaa id-ioka limedi me dinatitalo lawikodico.

⁸ Niɗica nemaanaganeɗegi aɗica liniogo. Icota noko niɗina oko anoyatemati lowooko Aneotedoɗoji, me daɗadiaa leeditibige moyatemati, codaa niɗina oko anodotaɗatigi eletidi iolatedi, aɗaleeɗodotaɗatigi, codaa niɗina oko anodiɗaxinaɗatece anodaagee me jowoogotaɗa Aneotedoɗoji aɗalee leeditibige me niɗaxinaganaga.

⁹ Igaataɗa niɗina natigide anaɗa jowoogotaɗa icoatawece anee Aneotedoɗoji, codaa aɗokotawece jowoogotaɗa Aneotedoɗoji lowooko.

¹⁰ Pida nigicota niɗica noko nigokotawece jinataɗa Aneotedoɗoji, odaa ja jowoogotaɗa icoatawece analeedaɗa jowoogotaɗateda niɗina natigide.

¹¹ Niɗijo maleeɗee nigaanigawaanigi, jaote inoatawece anepaa lakataɗa nigaanigawaanigi. Codaa me jotaɗa, me jowo aneji, jowooko micataɗa nigaanigawaanigi. Pida natigide

jegee goneleegiwa, odaa ja jika ane lakataga nigaanigawaanigi.

¹² Odaa natigide micataga daga beyagi noleegaxi ane jiwinaḡateloḡo, joaniḡidaa leegodi me deḡewi me idinataḡa. Pida niḡica noko nige idinataḡateḡe Aneotedoḡoji. Niḡina natigide aniḡinoatawece jowoḡoḡodi, pida niḡica noko anicota, odaa jowoḡoḡodi icoatawece, digo anee Aneotedoḡoji me idowoḡoḡodi.

¹³ Odaa nenyagatiniwace niḡidoa itoatadiḡida anejinaḡa: Gotiwaḡatakaneeḡegi, ina me inibeoonagateḡe midioka limedi me idejonaḡa miniwataga Aneotedoḡoji, codaa me ḡodemaanaganeḡegi. Pida aneneḡegi daḡaxa mida ane jaoga, baḡa ḡodemaanaganeḡegi.

14

Paulo eyalaḡatalo anigotoḡowa Aneotedoḡoji Liwigo

¹ Enice adinoniciwaḡati madinemaanitiwage. Odaa oleetibige Aneotedoḡoji Liwigo me yajigotaḡawa ḡadixakedi, pida daḡaxa mida ane jaoga nige yajigotaḡawa ḡanimaweneḡegi meloḡoti lowoko Aneotedoḡoji.

² Niḡina ane dotaḡatigi eledi ioladi ane daga jowoḡotaḡa inioka yotaḡaneḡeteda Aneotedoḡoji ayotaḡaneḡetiogi oko, igaataga aḡica ane yowoḡoḡodi. Aneotedoḡoji Liwigo yajigote lixakedi me eetece niḡica analee daga ikeeteda Aneotedoḡoji.

³ Pida niḡina ane yatemati lowoko Aneotedoḡoji yotaḡaneḡetiogi oko, odaa jeḡeo

modatitetelogo Goniotagodi, codaa yajigotiogi mabo laalegena codaa me nocaṅanegetiniwace.

⁴ Niḡina ane dotaḡatigi eledi ioladi beḡepoka dinaxawa mepaanaga eyiwaḡadi Goniotagodi, pida niḡina ane yatemati lowooko Aneotedoḡoji baḡa yaxawa iditawece loiigi Aneotedoḡoji mepaanogoyiwaḡadi.

⁵ Domaḡa jemaama makaamitawecetiwaji oḡaganitigi eletidi iolatedi, pida daḡaxatace me domaḡa jemaama mabaategetiwaji ḡadixakedi matematii Aneotedoḡoji lowooko. Iḡaataḡa niḡina ane yatemati Aneotedoḡoji lowooko daḡaxa mida ane jaḡa caticedi niḡina ane dotaḡatigi eledi ioladi ane daḡa jowoḡotaḡa. Pida niḡina ane yatemati Aneotedoḡoji lowooko adaḡaxa mida ane jaḡa caticedi niḡina ane dotaḡatigi eledi ioladi niḡaḡaḡida lixakedi me yeloḡodi anodaa diitigilo lotaḡa, eotibige me yakadi me yaxawa iditawece loiigi Aneotedoḡoji mepaanaga onakato.

⁶ Digawinitiwaji, inioxoadipi! Nigejigo makaamitaḡatiwaji oditaḡa jotaḡatigi eledi ioladi ane daḡa ḡodowoḡotaḡi, amiida inimaweneḡegi me ḡadaxawanitiwaji? Idoka jakadi me ḡadaxawanitiwaji niḡaḡaḡa jakadi me jeloḡoditaḡawatiwaji ane yemaama Aneotedoḡoji, oḡoa domiḡina me jakadi me ḡadaxawanitece mele mowoḡoti Aneotedoḡoji, oḡoa domiḡina me jakadi me jeloḡoditaḡawatiwaji lowooko Aneotedoḡoji, oḡoa domiḡina me jakadi me jiḡaxinaḡatece ḡotiwagatakaneneḡegi.

⁷ Niḡica ane yatetigi natena, oḡoa domiḡe ḡoxiiḡa-liwenaga, digo anee me diḡica lewiḡa

pida ida layaagegegi. Nige degele me yatetigi, ailagatice latenaganegegi, odaa igame nimawenegegi eledi oko moyowoogodi anida ica latenaganegegi?

⁸ Minoataga iigotedi anoyatetigi goloneeta moniditege oko nidelegecajoli, nige degele me noditice layaagegegi goloneeta, odaa agica ane dinenyaagadi me didele.

⁹ Odaa idagagaee, igame nimawenegegi oko moyowoogodi gadatematigo nige otaganitigi eledi ioladi ane dogoyowoogodi? Gadotaaga aniadi, yadeegi niocodi.

¹⁰ Ajawienatakanaga mowidi latopaco iolatedi nigina iigo, odaa inoatawece ida ane diitigi lotaga.

¹¹ Pida nigida ane dotagatigi eledi ioladi ane daga jowoogodi, odaa yakadi mee me ee icogegi, odaa ee aagaga jakadi me iomiigigi.

¹² Ele nigida anenitiwaji. Meliodi memaanitiwaji minoa gadixaketedi ane yajigotaagawa Aneotedogoji Liwigo. Ele anenitiwaji, pida oleetibige gadixakedi ane yaxawa loiigi Aneotedogoji me ilitema eliwaagatakanegegi.

¹³ Joanigidaa leegodi nigina ane dotagatigi eledi ioladi leeditibige me dipokotalo Aneotedogoji me yajigote lowoogotakanegegi me yowoogodi epaa lotaga amaleegaga yelogoditiogi eledi oko ane diitigilo nigicoa lotaga.

¹⁴ Igaataga nige jotaganege Aneotedogoji, pida jibake eledi ioladi ane digica ane yowoogodi, iwigo begewi me yotaganege Aneotedogoji, pida yowoogo baadaga yotaganegeteda Aneotedogoji.

¹⁵ Odaa, amiida ica ane jao? Nige iwigo

yotaḡaneḡe Aneotedoḡoji, codaa me yowoogo. Iwigo digaanaḡa me doḡetetibigimece Aneotedoḡoji, codaa me yowoogo idaagee.

16 Pida niḡoḡeetetibigimece Aneotedoḡoji miniokini ḡadiwigo, odaa niḡina ane daḡa yowoogoḡodi niḡica ane alitigi ḡagegi ayakadi deḡee, “Jiḡidaagee”, niḡina anejinaḡata “Amém”, niḡina maniotagodeetalo Aneotedoḡoji, igaataḡa ayowoogoḡodi niḡicoa ḡadotaḡa.

17 Icaḡica niḡica ane eni maniotagodeetalo Aneotedoḡoji nige ilaḡatice, pida baadaḡaxawani me ili eliwagaḡakanegegi eledi oko.

18 Iniotagodelalo Aneotedoḡoji Iniotagoḡodi igaataḡa jakadi me jotaḡatigilo iolatedi iomaḡaḡa catedi akaamitawecetiwaji.

19 Pida niḡina me jawateḡe Aneotedoḡoji loiigi, jakadi me daḡaxa mele mejitece onateciḡidiwa yotaḡa anoyakadi moyowoogoḡodi oko ane jiḡaxinaḡatece, pida aḡica jaoḡa daḡa jowidaḡatee yotaḡa me jotaḡatigi eledi ioladi, odaa agotiḡica ane yowoogoḡodi ane diitigilo niḡicoa yotaḡa.

20 Inioxoadipi, jinoḡowookoni micataḡa nigaanigi. Pida oleetibige me ḡadiciagi nigaanigawaanigi me deḡeo ane beyagi, codaa mowookoni oleetibige me ḡadiciagi niḡina baanogoḡo.

21 Digoida liwai oxiiḡodi Aneotedoḡoji lotaḡanaḡaxi, diniditeloḡo,

“ Jiḡe oko anodotaḡatigilo eletidi iolatedi moyotaḡaneḡe niḡidi yoiigi’,

mee Goniotagoḡodi Aneotedoḡoji.

‘Domaḡa jao icoḡaḡa monotaḡaneḡetiniwace yoi-igi,
pida yoiigi idokee aḡoyemaa monajipatiwa.’ ”

²² Joaniḡidaaḡee, niḡina oko modotaḡatigilo eletidi iolatedi, oikeetiogi ane doḡoyiwaḡaditeda Goniotaḡodi, Aneotedoḡoji miniwa liwigotigi. Pida niḡina oko moditece Aneotedoḡoji lowooko, oikeetiogi anoyiwaḡadi Goniotaḡodi miniwa Aneotedoḡoji liwigotigi.

²³ Odaa nigiditawece loiigi Aneotedoḡoji yatecoḡo, odaa akaamitawecetiwaḡi otaḡanitigieledi ioladi ane diḡica moyowoḡodi, odaa nigonotaḡawa oko ane doḡoyowoḡodi, oteḡexaaḡaḡa oyowoḡoditeda Goniotaḡodi, odaa odiletibige daḡakaami yetoledipitetiwaḡi.

²⁴ Pida nigakaamitawecetiwaḡi eloḡotitedibece Aneotedoḡoji lowooko, odaa nigica ane daḡa nakatoteda Goniotaḡodi codaa nige diḡica lowoḡotakaneeḡeḡi, nige dakatioḡadiwigotigitiwaḡi, odaa ja yowoḡodi ane diitigi ane waḡipata, odaa inoatawece notaḡa ane waḡipatalo oikeeta minoa libeyaceḡeco, odaa ja deemitece Aneotedoḡoji me yelatetema leeḡodi libeyaceḡeco.

²⁵ Odaa ja yeloḡoditalo lowooko ane yaḡaditedini, odaa ja yamaḡatedi lokotidi lodoe Aneotedoḡoji me doḡetetalo. Codaa yatemati mewi Aneotedoḡoji miniwa ḡadiwigotigitiwaḡi.

Leeditibige loiigi Aneotedoḡoji me dinoxoḡo niḡina me yatecoḡo

²⁶ Odaa, inioxoadipi, igamodaaḡenitiwaḡi? Niḡina mateciḡitiwaḡi, oninitecibeci ida elaagi

me igaa, codaa ini eledi baɓa yemaa me diigaxinaɓatece ɓotiwaɓatakaneeɓegi, iniaa eledi baɓa yemaa me diigaxinaɓatece anigida ane ikeete Aneotedoɓoji, pida eɓini eledi yemaa me dotagatigi eledi ioladi, iniaa eledi baɓa yemaa me yeloɓodi anodaa diitigilo lotaɓa niɓida oko ane dotagatigi eledi ioladi. Pida niɓina oko leeditibige me ibake ane lixakedi me yaxawa eledi oko mepaanaɓa eyiwaɓadi Goniotaɓodi.

27 Nigica anoyemaa modotagatigilo eletidi iolatedi, ikani mokexaa itoataale oɓoa domige itoatadiɓida oko ane notagananaɓa, pida leeditibige me dinali, codaa leeditibige mini ane yeloɓodi ane diitigilo lotaɓa.

28 Pida nige diɓica ane yeloɓodi anodaa diitigilo lotaɓa, oɓaa leeditibige me notokotiniwace, oɓaa leeditibige mepaa dinotaɓaneɓe iniaa Aneotedoɓoji.

29 Oɓaa niɓina anoyeloɓoditedibece Aneotedoɓoji lowooko, leeditibige mokexaa itoa oɓoa domige itoatadiɓida ane notagananaɓa, oɓaa niɓidi eledi baɓa leeditibige mokexaa oiwitece lotaɓa bidige oyowoɓodi migewi me notagananeɓetediniwace Aneotedoɓoji.

30 Nige niɓida ane dotaga, pida oɓaa Aneotedoɓoji jaɓaɓa ikeeteta lowoogo eledi oko, oɓaa niɓida odoeɓegi oko leeditibige me notokotini bidige yakadi niɓini eledi oko maɓaɓa yatemati ane ikeete Aneotedoɓoji.

31 Igaataga yakadi makaamitawece atematiitiwaji Aneotedoɓoji ane ikeetedaɓawa, pida niɓina madinaliitiwaji, bidige akaamitawece

akati mowooḡoti codaa me yoniciwaḡadi ḡatiwaḡatakaneeḡeḡi.

³² Odaa niḡina anoyeloḡoditedibece lowooko Aneotedoḡoji leeditibige me dinajacaḡadi niḡina me ibake lixakedi.

³³ Iḡaataḡa Aneotedoḡoji ayemaa niḡina ane di-batotiḡi, pida yemaa minoatawece ilaḡatedi.

Jiḡidaaḡee inoatawece eletidi lapoli Aneotedoḡoji loiḡi.

³⁴ Iwaalepodi leeditibige me notokotiniwace niḡina me yatecoḡo Aneotedoḡoji loiḡi modoḡetetibigimece. Aḡoyakadi me notaganaga. Digo aneeta Moisés lajoinaganeeḡeco me daḡa yakadi daḡa ḡodacilo naḡana iwaalo, daḡa diiḡenataka.

³⁵ Nigica anoyemaa moyowooḡodi, leeditibige moige lodawadi digoida liḡeladi, iḡaataḡa ḡoboliḡa iwaalo me dotaḡa niḡina me yatecoḡo Aneotedoḡoji loiḡi.

³⁶ Iḡamigodaḡee? Domige icogoticogi makaamitaḡatiwaji Aneotedoḡoji lotaḡa? Oḡoa domigakamokakaamitatiwaji majipaatalo Aneotedoḡoji lotaḡa?

³⁷ Nigica ane yakadi minaḡina ane yeloḡoditedibece lowooko Aneotedoḡoji, oḡoa domiḡetaḡa ee me dibateḡe lixakedi ane yajiḡota Aneotedoḡoji Liwigo, odaa niḡini leeditibige me yowooḡoditece niḡinoa yotaḡa ane jidi me liiḡenatakaneeḡeco Goniotaḡodi.

³⁸ Pida nigica ane daḡa dibateḡe yotaḡa, jinagaabaateḡe lotaḡa niḡini oko.

³⁹ Enice, inioxoadipi, oleetibige Aneotedoḡoji Liwigo me yajiḡotaḡawatiwaji ḡadixakedi matem-

atii lowooko Aneotedoꝓoji, codaa jinogoliitege oko me dotaꝓatigi eledi ioladi.

⁴⁰ Pida oeni inoatawece moniwoditema aneni, codaa jinaꝓawii ꝓabakedi ane dibatotibige.

15

Paulo yalaꝓatalo Cristo me yewiꝓatace

¹ Inioxadipi, jemaa manalakitibigetiwaji ꝓobodicetedi anele anoditece Jesus baanaga jatematitedaꝓawatiwaji. Geme abaategetiwaji niꝓiꝓoa natematiko, odaa jaꝓatitetelocotiwaji ꝓatiwaꝓatakaneegegi leegodi niꝓiꝓoa natematiko.

² Odaa leegodi mabaategetiwaji nibodicetedi anele, Aneotedoꝓoji eote me ꝓadewikitace, nigidioka limedi manakatonni. Aꝓeote me ꝓadewikitace nige deꝓewi ina me iwagati.

³ Niꝓiꝓo iniꝓaxinagaanegegi anonajigotiwa, ane daꝓaxa mida ane jaꝓaga, joaniꝓidaa ane jajigotaꝓawatiwaji. Niꝓida niꝓaxinagaanegegi eetece Cristo me yeleotedeloco ꝓobeyaceꝓeco, digo aneeta nidigo midi liwai oxiiꝓodi Aneotedoꝓoji lotaꝓanaꝓaxi.

⁴ Odaa joꝓoixotediwece lawimaꝓaꝓeꝓi-wetiꝓa, odaa niꝓitoatadiꝓida nokododi Aneotedoꝓoji ja yewikatiditace digo anee me diniditeloco liwai oxiiꝓodi Aneotedoꝓoji lotaꝓanaꝓaxi.

⁵ Odaa ja dinikeete Pedro niꝓidiaaꝓidi dinikeete-diogi dooze anodiotibece.

⁶ Niꝓidiaaꝓidi ja dinikeetediogi caticedi me cinyeento ꝓonioxadipi ane yatecoꝓo. Eliodi niꝓidi enewiꝓa, pida jaꝓaꝓiꝓo onateciꝓiꝓo ane nigo.

7 Niǵidiaaǵidi dinikeete Tiago, niǵidiaaǵidi ja dinikeetacediogi ijoatawece liǵexedi.

8 Noǵowidi nokododi ixomaǵatedijo me dinikeetediogi Goniotagodi niǵijoa eletidi liǵexedi, odaa jaǵaǵa dinikeetediwa, ee owidijegi me jinadi, iciagi niǵina nigaanigawaanigi ligotí analeediǵicota noko menitini, negenitini.

9 Igaataǵa eemoda niǵina ane diǵica ane jaǵa liwigotigi idiwatawece liǵexedi Aneotedoǵoji. Ajibootatege niǵina moditiwa me ee “liǵexegi Aneotedoǵoji”, leegodi ijo me jiatetibece loiigi Aneotedoǵoji.

10 Pida Aneotedoǵoji eliodi meletedomi codaa jiǵijaageote analeeǵeji niǵina natigide. Eliodi meletedomi, iigi aneji me idewiǵa codaa aǵatooa meote niǵida anigotediwa. Pida eliodi me jiba caticedi niǵijoa eletidi liǵexedi Aneotedoǵoji. Codaa ajibake emaǵa yoniciwaga me jaote ijoatawece ibaketedi, pida jibake Aneotedoǵoji loniciwaga ane najigotediwa.

11 Enice aǵica jaǵa me joleegatibige me jowoogotaǵa ane daǵaxa me diba, mige ee oǵoa domige ijoa eletidi liǵexedi. Okotawece idokida ǵodatematigo ane jatematiiǵatagawatiwaji, odaa jiǵiwaǵatitiwaji.

Émaǵaǵa icota me newiǵatace

12 Natigide jatematiiǵatagawatiwaji Cristo me yewiǵatace. Enice igame leegodi midi ina akaamitiwaji anodi me daǵa newiǵatace émaǵaǵa?

13 Émaǵaǵa nige doǵoyakadi me newiǵatace, odaa Cristo amaǵaǵa yewiǵatace.

14 Codaa nige daga yewigataceda Cristo, amica godatematigotagawatiwaji anele, odaa akaamitiwaji agica ane iwagati.

15 Codaa egidaataca, Aneotedoḡoji nige degeote Cristo me yewigatace, odaa taga jiwitakaga jakapagatege Aneotedoḡoji igaataga jatematiiga meotace Cristo me yewigatace. Aneotedoḡoji ageote Cristo me yewigatace, nige doḡoyakadi émagaga me newigatace.

16 Nige daga newigatace émagaga, dicewi Cristo me daga yewigatace.

17 Cristo nige daga yewigataceda, agica mawii gatiwagatakanegegi, codaa tagakaami aniatagigipitewaji igaataga Aneotedoḡoji ayakadi daga napitagadi gabeyacegeco.

18 Codaa tegeledi aniatagigipi niḡijo anoyiwagadi Cristo, baanaga nigo.

19 Nige jakataga mejiwagataga Cristo midokida me ḡodaxawa malee ḡodewiga natigide, oko niḡica oko ane dagaxa me agecaḡalodipi liwigotigi inatawece oko.

20 Pida ewi Cristo me yewigatace, Jiḡijaa odoejegi me yewigatace liwigotigi niḡijoa émagaga anicota me newigatace, jiḡijaa leegodi nige yewigatace.

21 Igaataga digo anee mina némaḡa leegodi onijoteci ḡoneleegiwa ane liboonagadi Adão, odaa idagagae oko oyakadi lewiga leegodi onijotece ḡoneleegiwa ane liboonagadi Jesus.

22 Igaataga digo anee ijotawece niḡijo oko baanaga nigo leegodi mida aneetege licoḡegi Adão, idagagae inatawece niḡina oko anida aneetege Cristo icota me newigatace.

23 Pida ewi niğidaagee. Cristo odoejegi me yewiğatace. Odaa nigidiaagidi niğina anida aneetege Cristo jağaga newiğatace nige dopitedijo.

24 Odaa icota me daa niğina iigo. Niğica noko Cristo iğeke inoatawece aninoa nimawenegeco, ɣoneleegiwadi codaa me niwicidi, codaa ane niigenatakanaga anida nağatetigi, codaa minoa ɣodacilodi. Odaa yajigoteta Eliodi, eotedibige Aneotedoɣoji me iige iditawece.

25 Pida niğina natigide leeditibige Cristo me diigenataka nigepaa iğeke inatawece ane nelogododipi.

26 Owidijegi laxakawa ane yaagadi, one némağa.

27 Igaatağa Aneotedoɣoji lotaganagaaxi mee, “Aneotedoɣoji yajigote Goniotağodi me iteloco libaağadi inoatawece.” Pida iğenaga me jowoogotağa niğina mee, “inoatawece”, aɣeeta Cristo dağa iige codaa me Aneotedoɣoji, leegodi Aneotedoɣoji jiğijaa yajigote Cristo nağatetigitedeloco inoatawece.

28 Niğina Cristo me iğeke niğinoa loniciwegağaga, inaaginoa ɣodacilodi, odaa Iniaaginiwa, ane Aneotedoɣoji Lionigi, dinajigo me itedeloco Aneotedoɣoji libaağadi, eotedibige Aneotedoɣoji me iige inoatawece aninoa.

29 Natigide, idi oko ane dinilegetibigiwaji oiwicidegeta niğijo oko baanağa nigo pida anağa dini-
legetibigiwaji. Nige dağa icota me newiğatace ijo oko, igatime leegodi me monilegetiniwace oiwicidegeta niğijo oko analeedağa dinilegetibigiwaji nağa nigo?

³⁰ Niɣida moko, idioka limedi me ɣodawiile ane beyagi. Pida igame leeɣodi me idinatiigata nige diɣicota me ɣodewiɣatace?

³¹ Inioxadipi, jakadi me idinanetibece leeɣodi akaamitiwaji igaataɣa Goniotagodi Jesus Cristo anigotedaɣawatiwaji, joaniɣidaa leeɣodi me ilaɣatice mejitaɣawa minoatawece nokododi jakapetege némaɣa.

³² Idineloadi me jao ibakedi mani nigotaɣa Éfeso micataɣa daɣa jideleɣe eijedi ane doide. Odaa émaɣaɣa nige daɣa newiɣatace, odaa amica jao niɣijo ibakedi. Odaa émaɣaɣa nige daɣa newiɣatace, daɣaxa mele me jaoɣa aneeta niɣijo nigegi anee, “Ina baɣa iniboloiteenaɣa malee ɣodewiɣa digoina iiɣo, codaa jiniodaɣa, jacipaga igaataɣa natiinigoj jooɣoko ma.”

³³ Jinaga adininaalenitiwaji! Igaataɣa moditibece, “Niɣina ɣodokaagetedi me beyagi oibeyacaɣadi ɣodakataɣa anele.”

³⁴ Pida owoo ane iɣenaɣa, odaa ikani mawii ane beyagi. Idi akaamitiwaji aniɣicoa dogoyowoogodi Aneotedoɣoji. Jao niɣida igegi amaleeɣaɣa anibolikitiwaji.

Aneotedoɣoji icota me najigotedoɣowa gela ɣodolaadi.

³⁵ Ijo oko ane nigikanaɣa, modi, “Igamigigote Aneotedoɣoji nigeote émaɣaɣa me newiɣatace? Igamigodaagee ica gela lolaadi anodibatege?”

³⁶ Ejitaɣawatiwaji makaami yetoledi! Niɣina me aniti lolagi, idoka nokologo nige yeleo.

37 Codaa lolagi ane anitini, yakadi me lolagi leyeema, codaa yakadi mokanicodaaḡaca eledi lolagi. Aḡanitini madatawece niale.

38 Odaa Aneotedoḡoji yajigote naḡajo lolagi niḡica gela lolaadi ane yemaa me yajigote, codaa yajigote naḡajo lolagi ane latopagi mada me na-wodigije.

39 Codaa niḡinoa ane newiḡateloce niḡina iḡo adiniciamico ane liboledeḡeco. Oko ida epaa liboledeḡegi, codaa eijedi ida epaḡaḡa liboledeḡegi. Niḡinoa ilaḡaxodi aḡaḡa ida anepaḡee lolaadi, codaa niḡinoa noḡojedi eledi ida anepaḡee. Inoatawece niḡinoa aninoa ida anepaḡee adiniciamico.

40 Codaa niḡicoa ḡodoolatedi digoida ditibigimedi jeḡeletidi, codaa digoina iḡo jeḡeledi anee. Godoolatedi ane ideite ditibigimedi libinienḡa, pida aliciaco ḡodoolateditigi niḡina iḡo eletidi libinienḡa.

41 Aligeḡe datale anepaḡee, epenai datale pida jeḡeledi anee, yotetitedi datale pida jeḡeletiditace anee. Codaa onanitecibeci yotedi ida epaa latalaḡegi.

42 Odaa jiḡidaḡee nige newiḡatace niḡinoa émaḡaḡa. Digo anodigota naḡana lolagi moyatinigi iḡo, odaa ḡodolaadi idaḡee, onaligitini, odaa ja daa. Pida niḡina Aneotedoḡoji nigeote me ḡodewiḡatace, odaa ḡodolaadi gela aḡalee daa.

43 Niḡina ḡodolaadi monaligitini, beyagi. Pida niḡina Aneotedoḡoji nigeote gela ḡodolaadi, baḡa libinienigi. Niḡina ḡodolaadi monaligitini,

aşica loniciwaga. Pida nigeote Aneotedoşoji gela şodolaadi, odaa baęa yoniciwadi.

⁴⁴ Godolaadi anelatibige nięina iięo, anonaligitini, baęa şobitaka, inaa şobole. Pida şodolaadi gela ane najigotedoşowa Aneotedoşoji baęa icoşotibigimece ditibigimedi. Jowoşodi minoa şodoolatedi nięina iięo, odaa jowoşodi midiwa geladi şodoolatedi digoida ditibigimedi anicota me jibaęatege.

⁴⁵ Aneotedoşoji lotaęanaęaxi mee, “Aneotedoşoji eote me yewięa odoeęegi şoneleęiwa, ane liboonaęadi Adão.” Pida owidijegi Adão (ane Cristo) baęa Liwigo Aneotedoşoji aneo me yewięatace.

⁴⁶ Nięina odoeęegi şodolaadi ane şobitaka, inaa şobole aicoşotibigimece ditibigimedi. Pida nigidiaaęidi idaeledi gela şodolaadi ane icoşotibigimece ditibigimedi.

⁴⁷ Nięijo odoeęegi şoneleęiwa inaaşelatigi nięina iięo, odaa Aneotedoşoji datikate napaloaęa me yoe. Pida nięijo owidijegi şoneleęiwa baęa Goniotaęodi Jesus ane icoşotedibigimece ditibigimedi.

⁴⁸ Nięina oko anida aneetege nięina iięo liciagi nięijo odoeęegi şoneleęiwa anelatibige nięina iięo. Pida nięina oko anida aneetege ditibigimedi baęa liciagi nięijoeledi şoneleęiwa ane icoşotibigimece ditibigimedi.

⁴⁹ Odaa nięida anejinaęa natigide baęalee şodiciagi nięijo şoneleęiwa Aneotedoşoji ane yatite napaloaęa me yoe, pida icota me şodiciagi Nięijoa ane icoşotibigimece ditibigimedi ane

Cristo.

⁵⁰ Inioxoadipi, jemaa mejitaḡawatiwaji niḡina ḡodolaadi maleeḡejonagateloce niḡina iḡo, ane ḡobole, ḡodawodi ayakadi daḡa dakatiwece ditibigimedi aneite Aneotedoḡoji me diḡenataka. Iḡaataḡa niḡina ane yeleo inaḡina niḡina ane daa, ayakadi daḡa dakatio miniwataḡa Aneotedoḡoji, oditaḡa idioka limedi me yewiḡa.

⁵¹ Digawiniti waji! Ejiḡaḡawa me diḡica moyowoḡodi niḡijo oko niḡijo jotigide, pida Aneotedoḡoji baanaḡa nikeetedoḡowa. Aḡokotawece ḡodeleo, pida codaḡida nigicota Aneotedoḡoji me ḡodiḡi okotawece ane jinakatonaga Goniotaḡodi.

⁵² Liciḡi me yediḡa me jaḡaticoḡoḡoḡo, Aneotedoḡoji nige ḡodiḡi niḡica nige yatetigi aanjo nigoloneeta niḡica owidijegi noko. Iḡaataḡa aanjo nige yatetigi nigoloneeta, odaa Aneotedoḡoji eote niḡijo anoyiwaḡadi baanaḡa nigo me newiḡatace, odaa yajigotediḡi ḡela lolaadi ane daḡa daa. Joaniḡidaḡigotedoḡowa me ḡodiḡi.

⁵³ Iḡaataḡa ḡodolaadi ane daa leeditibige me diniḡitaeledi ḡodolaadi ane daḡa daa, micataḡa niḡina oko ane noḡa lowoodi laxokodi, odaa dinixotinigilo nowoodi ḡeladi. Odaa ḡodolaadi ane yeleo leeditibige me diniḡita ḡodolaadi ḡela ane diḡica liniḡo me yewiḡa.

⁵⁴ Niḡica noko Aneotedoḡoji nige najigotedoḡowa ḡela ḡodolaadi ane daḡa daa, oteḡexaḡaḡa yeleo, odaa jiḡicota aneeta Aneotedoḡoji lotaḡanaḡaxi niḡijo mee, “Nemaḡa ja ma.

Goniotagodi ja dinigaanyetetece loniciwağa némağa.

⁵⁵ Nagoodi gobegi!

Ağalee anigaanyetogodici.

Nagoodi apiigo!

Ağaleegakati manatiitogowa ganibite.”

⁵⁶ Gobeyacegegi joaniginaa ane yajigota némağa loniciwağa me datika nibite, codaa gobeyacağa ida loniciwağatogoloco leegodi liigenatakanegeco Aneotedogoji.

⁵⁷ Pida iniotagodeegatalo Aneotedogoji, aneote me inigaanyagatece gobeyacağa inaa némağa leegodi Goniotagodi Jesus Cristo aneotedogodomi.

⁵⁸ Enice, inioxoadipi yemaanigipi, oletibige midioka limedi matitetiniwace, jinaga amiğiticiwaji! Idioka limedi madinoniciwağati mawii ane libakedi Goniotagodi. Igaatağa owoogotitiwaji minoatawece nibaketedi ane oenitema Goniotagodi ida niwaló.

16

Niboonağa anoiwakateetibige eledi lapo noiigi anonakato Goniotagodi

¹ Niğina natigide, ejitece gaboonağatiwaji aniwakateenitigi loiigi Cristo ane ideı nıpodıgi Judéıa. Awii liciagi ane jııgetiogi niğıjo lapo loiigi Cristo digoida nıpodıgi Galácia.

² Inoatawece domıngo awii iomağatıtıce dınyeele. Niğina aneliodi niğaanyegegi leeditıbıge mowıdi ane iomağatıtıdice dınyeele, amaleeğaga nıgejotağawa, ağalee leeditıbıge matecoğoteeni gaboonağa.

³ Nigejotaḡawatiwaji, oḡaa jiiḡe nigica ane ixipeniticoace. Jimonyatibigiwaji adiaa lodoeje notaganaḡaxi iwakate, amaleeḡaḡa oyadeegi ḡaboonaga dinyeelo manitaḡa nigotaḡa Jerusalém.

⁴ Nigele maḡaḡa ejigo, oḡaa ejigo ixigaḡawepodi.

Paulo ane lowooko me loenataka

⁵ Ejotaḡawatiwaji nigidiaḡidi nige jika midiaaḡejo nipodigi Macedônia, igaataḡa leeditibige midiaaḡejonawaanigi.

⁶ Ejime leecawaanigi midiaaḡejo makaamitaḡatiwaji, ejitibige midiaaḡejo makaamitaḡatiwaji idatawece limedi niwetaḡa, amaleeḡaḡa akatitiwaji madaxawani me iniwiajeticogi ane leeditibige mejiiticogi nigidiaḡidi.

⁷ Ajemaa me ḡadatitiwaji natigide oditaḡa onateciḡidiwa nokododi midiaaḡejo, igaataḡa inibeotege me jakadi meliodi midiaaḡejo makaamitaḡatiwaji, nige yemaa Goniotagodi midiaaḡejo.

⁸ Pida ja yowoogo minaaḡejo nigotaḡa Éfeso nigepaa ixomaḡatice nalokegi anodita Pentecostes.

⁹ Igaataḡa digoina Éfeso micataḡa Aneotedoḡoji daḡa yomoke epoagi-nelegi, oḡaa jakadi me jaote owidi ibaketeditema. Codaa aagagina eliodi ḡoneloḡododipi anoyemaa moibeyacaḡadi ḡobakedi.

¹⁰ Nigicotaḡawatiwaji Timóteo, oleetibige mawiite inoatawece amaleeḡaḡa deemitece mele mini ḡadiwigotigitiwaji, igaataḡa aagaga eo libakedi Goniotagodi digo meetaga.

11 Ajemaa digica ane daga niwita gonioxoa Timóteo. Pida nige noditice gadiwigotigitiwaji, axawani mele me diniwiaje codaa mele menotiwa. Igaataga ee inaa gonioxoadipi inibeonagatege menotogowa.

12 Jemaa me idalagata gonioxoa Apolo. Elioditibece me domağa jipokota me lixigağawepodi eledi gonioxoadipi modalitağawatiwaji. Pida anağa yemaa migo natigide. Pida nigica nimedi, odaa jigigo dalitağawatiwaji.

Owidijedi Paulo lotağa

13 Adinowetitiwaji, codaa jinagamigitice ane goniiğaxinaganegegitece gotiwağatakanegegi. Awii liciagi goneleegiwadi anabo laalegenali, codaa adinoniciwağatiteloco gatiwağatakanegegi.

14 Awii inoatawece aneni me ikee memaani eledi oko.

15-16 Natigide, inioxoadipi, owoogoti Estéfnas ijaa loigiwepodi. Jigijaa odoejedipi monakato Goniotagodi digoida nipodigi Acaia, odaa dinoniciwağaditibigiwaji oyaxawa loigi Aneotedogoji ane iolatedice me nepilidi. Jipokotağawatiwaji me iwağati goneleegiwadi liciagi nigidi loigiwepodi Estéfnas, codaa mokanicodaagica eledi oko ane godaxawa codaa aneo Goniotagodi libakedi.

17 Idinitibeci leegodi menagi Estéfnas, Fortunato, iniaa Acaico, igaataga etidaxawatece ane dağakati madaxawanitecetiwaji leegodi atakaami meetaga.

18 Etidoniciwağadi digo anodigotağawatiwaji metiğadoniciwağati. Eemiteetibige nigidiwa

ḡoneleegiwadi codaa me niḡinoa eletidi ḡoneleegiwadi ane liciaceekawepodi.

¹⁹ Lapoli loiigi Goniotagodi ane liḡeladi nipodigi Ásia oyecoaditibigaḡajitiwaji. Áquila aniaa Priscila idiaa lapo anonakato Goniotagodi ane yatecoḡo liḡeladi, eliodi maḡaḡa oyecoaditibigaḡaji, leeḡodi mida anejinaḡatege Goniotagodi.

²⁰ Inatawece ḡonioxoadipi digoina meetaḡa oyecoaditibigaḡajitiwaji. Adinibedonitiwaji madiniceni leeḡodi makaami dinioxomigipi.

²¹ Natigide, emeḡee, Paulo, beḡemaḡa jiditedini niḡinoa owidijedi yotaḡa me idecoaditibigaḡajitiwaji.

²² Nigica ane daḡa yemaateda Goniotagodi, Aneotedoḡoji ixoo. “Marana tá!” one niḡina anejinaḡata, “Anagi, Goniotagodi!”

²³ Jemaa Goniotagodi Jesus Cristo midioka limedi meletedaḡadomitiwaji.

²⁴ Gademaani akaamitawecetiwaji leeḡodi mida anenitege Jesus Cristo. Odaa jiḡidaaḡee. (Amém).

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 18 Apr 2025 from source files
dated 29 Jan 2022
7128a549-e957-5460-8c56-0f5281edf264